



सानसेयारि 'बड'सा' खरीरालाइयाव  
समाजयारि जिउजो लोखा थावाय रायथाय, बरुन्थाय,  
सल, सल'बाथा आरु देवबायारि थावनि, पार्क  
बाइदिनि सायाव लिन्नाय लिन्दिबां दैथाय हरु/  
सानसेयारि 'बड'सा' खरीरालाइया खेबखानाबै  
फोसावगोन।  
बड'सायाव लिन्नायलि दुबा खालाम,  
'बड'सा' खरी नोथां, जो बयबो आंगो खालाम।  
सानसेयारि बड'सा मावखुनि  
माइवं नोगोर, जोहोलाव दैमालु लामा  
कक्राइर, विटिसि-783370  
Website: www.bodosanewspaper.com

BODOSA ★ A Bodo News Daily ★ Saturday ★ 2 November, 2024 Kokrajhar, BTC, Assam ★ Vol.- 34, Issue No.215 R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

## आसाम आरो मणिपुरनि राइज्यो बेंगिरिया सेनापति जिल्लायाव दावबायहनै सिआरपिएफ जवानफोरजों दिवालि फालिदों

गुवाहाटी, 1 नभेम्बर: फोबॉनिसमाव गावसोरनि न'निफ्राय गोजानाव थिसनजानाय रैनिया हान्जाफोरजों खुसिनि बाहागो लानो थाखाय, आसाम आरो मनिपुरनि राइज्यो बेंगिरि लक्ष्मण प्रसाद आचार्यआ दिने मनिपुरनि सेनापति जिल्ला गाहाइ मावख'आव दावबायहैयो आरो सिआरपिएफ जवानफोरजों दिवाली फालियो। राइज्यो बेंगिरिया मावख'गिरि आरो जवानफोरखौ दिवालीनि बुब्लियाव बरायो आरो



बिसोरनिसिम गाहाम हामब्लायथि बाउहरो। बिथाड जवानफोरनि गेजेराव मिथाइ रान्नाहै होयो आरो बे

फालिथायाव सिआरपिएफ जवानफोरजों बाराखानायाव बाहागो लयो। बिनि सिगाडव, राइज्यो बेंगिरिया जिल्ला गाहाय

मावख'नि एस्ट' टर्फ फोथाराव 'हारिमु आरो सिनायथिनि गेजेरजों गोजोन' आयदानि सायाव खु'जानाय मोनसे

दिन्थिफुनाय आरो दोरोडरि आदार बाफेखौ बेखेवनै होयो। बे हाबाफारिखौ मनिपुर नर्थ (□ 6 बिलाइआव)

## मातृ-पितृ बन्दनानि मुडव फोरोंगिरिफोराबो खेबसेयैनो 5 साननि बन्द मोनगोन: मन्थि रनज पेगु

गुवाहाटी, 1 नभेम्बर: सिगांनि बायदिनो देरलायबो आसाम सरकारनि मावफारियाफोरा नभेम्बर दानाव साननैनि जर'खा सुति मोन्नो हागोन। आसाम सरकारनि मावफारियाफोरा फेगौ 6 नभेम्बर बुधवार आरो 8 नभेम्बर शुक्रवार साननैनि मातृ-पितृ बन्दना बिथाखिनि सिडव जर'खा सुति मोन्नो हागोन। बेजों लोगोसे आसाम सरकारनि मावफारियाफोरनि थाखाय मोजां खौरांदि, बे जर'खा सुतिजों लोगोसे राइज्यो सरकारनि



मावफारियाफोरा फेगौ 7, 9 आरो 10 नभेम्बरआव सरासनसा सरकारि बन्द मोन्नो हागोन। मख'नो गोनांदि, बिमा-बिफाजों सम

बाहोनयनि थांखिजों राइज्योआरि मावफारिफोरनि थाखाय तांनय 2022 माइथायनिफ्राय राइज्यो सरकारि जर'खा सुतिनि राहा (□ 6 बिलाइआव)

## सेरफांगुरिनि लडा दैसायाव जुथाय ना हमनाय हाबाफारि



गसाइगाव, 1 नभेम्बर: लडा दैसायाव हारि, धोरोम, बोसोरफोमबो काति दाननि 15 अक्ट' आरो गिबि नभेम्बरआव

लडा दैसायाव हारि, धोरोम, बोरोन-राव बासियालारा फुनिफ्रायनो जेखाय, खबाय,

जे लानानै रोजा-रोजा राइज्यो-राजाफोरा लडा दैसायाव फैनानै जुथायै नाम हमनानै रंजाफैयो। बारलि, सल, रौ बायदि ना मोनाब्लाबो जुथायै ना हमनायखौ रंजाफैयो रोजा-रोजा सुबुंफोरा। बे बायदिनो दिने 1 नभेम्बरखालि रामफलबिल-

## न'खामनानै 7 लाख रांनि सम्पति ख'हा

घग्नापार, 1 नभेम्बर: नलबारि जिल्लानि घग्नापार पुलिस थानानि खारगकुसि गामिनि थागिरि चन्दि कलित मुनि सासे सुबुंनि न'आव हरखाबै अर खामनाय जाथाय सोमजिदों। सुलुडाव हरनि 2:00 रिगासोयाव मोब्लिन सर्ट साकिट जानायनि जोहोनावनो न'आ खामदों होन्नानै मिबथिनो मोन्नाय जादों। फारसेथिं बे (□ 6 बिलाइआव)

## सिदली बियाबनि उफ्रा बिसायख'थियाव माइन'रिटि भटारफोरखौ लानानै इउपिपिएल-बिपिएफनि गेजेराव गोख्रों फोसावदिदों

बासुगाव, 1 नभेम्बर: राइज्योआव दर 5 बिधान सभा बियाबआव उफ्रा बिसायख'थि खुंजानो माखासे सानल' आद्रा दसे। बेबायदि थासारियाव 31 नं. सिदली बिधान सभा बियाबनि उफ्रा बिसायख'थि खुंजानो माखासे राजखान्थि दोलोफोरनि बिसायख'थि फोसावदिनाय हाबाफारिखौ गोख्रों खालामनो नुनो मोन्नाय जादों। बेनि गेजेरावो सिदली बियाबनि उफ्रा



बिसायख'थियाव माइन'रिटि भटार राइज्यो-राजाफोरखौ लानानै राजखान्थि दोलोनि मोननै

सिदली बिधान सभा बियाबआव सोरबा सासे बिजाथिआ देरहानायनि बिथिडव माइन'रिटि भटारफोर गोनांथार बिफाव लयो। बेनि थाखाय 31 नं. सिदली बिधान सभा बियाबनि उफ्रा बिसायख'थियाव माइन'रिटि भटारफोरखौ गाव-गावसोरनि फारसे लाबोनायनि थाखाय बियाबनि बिसायख'थि (□ 6 बिलाइआव)

## बड'चिने आर्टिस्ट एस'सिएसनआ 6 थि बड'फिल्म एवार्ड चेरिमनिखौ फेगौ 25 नभेम्बरआव गुवाहाटीआव खुंगोन

मुसलपुर, 1 नभेम्बर: बर'सावथुनखौ गोजो मान थाखोनि खालामनाय आरो महरगिरिफोरखौ थि मोनसे लामाथिं दावगाहोलांनयनि थांखिजों जोनोम मोननाय बड'चिने आर्टिस्ट एस'सियेसनखौ थांनय द' बोसोरनि सिगां दाफुनाय जादोंमोन। बे बादिनो फोयै-फोयै देग्लाइ द'थि बोसोराव आगान होबाय। गुबुन गुबुन बोसोरफोरनि बादिनो देग्लाइ बोसोराव बड'चिने



आर्टिस्ट एस'सिएसनआ 6 थि बड'फिल्म एवार्ड चेरिमनिखौ गुवाहाटीनि

कलाकेत्रआव फेगौ 25 नभेम्बर खालाराव सानसेनि मेहेर गोनां (□ 6 बिलाइआव)

## गुवाहाटीनि खानापारायाव जाब्रबथायजों सानै लाइमोननि जिउख हा, सासे जोखोम

गुवाहाटी, 1 नभेम्बर: गुवाहाटीनि खानापारायाव सोमजिनाय गिखंथाव दुखुनांथाव जाब्र बथायाव गुवाहाटी खूथनबस्टिनि 22 बोसोर बैसोनि दिपीत डेजों लोगोसे नो कक्राइरनि कनामिका नार्जारी मुनि सासे सिखलाया जिउ गोमायो। मख'नो गोनांदि, (□ 6 बिलाइआव)

## कचुगावनि माहारियारि राजा लामायाव जाब्रबथायजों सासे आइजोनि जिउख हा, सा 5 जोखोम



गसाइगाव, 1 नभेम्बर: कक्राइर जिल्लानि कचुगाव महामाया मन्दिरनि साखाथि 27 नं. माहारियारि राजा लामायाव दिने फुडव मोनसे लामानि जाब्रबथाय सोमजिनायाव सासे आइजोआ जाथाय सालियावनो जिउ गोमायो, बे (□ 6 बिलाइआव)

## लाबदांगुरि, आनान्द बाजार, गर्बर्धनायाव श्यामा फुजा फोबोंआ खुंजाबाय

भबानिपुर, 1 नभेम्बर: सालबारि महकुमानि गुबुन गुबुन ओन्सोलायाव बूस्पतिबानिफ्राय गेदेर हाबाफारिजों श्यामा फुजा फोबोंआ खुंजाबाय। सालबारि महकुमानि लाबदांगुरि हाथायाव 9 सान नाडे हाबाफारिजों श्यामा फुजानि हिशथि माइथाय फोबोंआ जागायजेनबाय। बृहस्पतिवार



खालि सानाव आइजोफोरनि दै सानाय, गां 75 फिर्फिला बिरहोनाय, गोसोखां मान बाउनय, मोनाबिलियाव

आलारि बाथि फोजोनाय, फुजा मन्डपनि गाहाइ दर्जाखौ बेखेवनय, मेल जथुमसालिनि गेट (□ 6 बिलाइआव)

## एबसुनि गाइसनगिबि आफादगिरि मुगानि आगदारि बानेस्वर बसुमतारिनि 82थि जोनोम सान फालिदों

मुगानि आगदारि बानेस्वर बसुमतारिनि गोख्रों मेलेमजों दैदेनबोजानाय एबसुआ हारिनि थाखायनो अरायबो खामानि मावलांगोन: दिपेन बर'



कक्लाबारि, 1 नभेम्बर: दुलाराय बर'फरायसा आफादनि गाइसनगिबि आफादगिरि मुगानि आगदारि बानेस्वर बसुमतारिनि 82थि जोनोम सान फालिनाय हाबाफारिखौ दिने बाक्सा जिल्लानि 1 नं. (□ 6 बिलाइआव)

## 67 थि तामुलपुर दखरा रास फोबोंनि गाहाइ खुन्थिया गायसन्दों

तामुलपुर, 1 नभेम्बर: तामुलपुर जिल्ला सदरनि तामुलपुर दखर हरि मन्दिरआव फेगौ 15 नभेम्बरनिफ्राय 21 नभेम्बरसिम 7 साननि हाबाफारिजों 67 थि रास फोबों खुंनो थाखाय साखा-फारा खालामगसिनो दं। रास फोबों खुंनो थाखाय दिने मोनसे गोथार (□ 6 बिलाइआव)



मैदेर फुजाजों काजिरडा माहारियारि हाग्रामायाव मैदेर साफारिया जागायजेनबाय



गुवाहाटी, 1 नभेम्बर: दोरोडरि मैदेर फुजाजों काजिरडा माहारियारि हाग्रामायाव 2024-25 दावबायथाय बोसोरनि मैदेर साफारिया दिनेनिफ्राय जागायजेनबाय। आबाद बिफाननि मन्थि अतुल बराआ हाग्रामानि मिहिमुखआव हाग्रा बिफाननि मैदेर साफारिखौ दिने बेखेवनानै होयो। बे बायदिनो बागरि (□ 6 बिलाइआव)

तामुलपुर, 1 नभेम्बर: थांनय 22 आरो 23 अक्टबर, 2024 अक्टखालि जानानै थांनय एनएएसि पियार टीमनि गिबि खेबनि (साइकेल 1) दावबायनायनि फिथाय महरै तामुलपुर फरायसालिमाया बि ग्रेड मोन्नोहानायाव ओन्सोलनि सुबुंफोरा गोजोन्नाय फोरमायदों। तामुलपुर फरायसालिमाया एनएएसिनि बिजिरनायनि मोन 7 गोब्राव (□ 6 बिलाइआव)

## तामुलपुरआव आसाम गामियारि मुलि फालांगि आफादनि 8 थि बोसोरारि गायसन्थाय सान फालिदों



तामुलपुर, 1 नभेम्बर: दुलाराइ आसाम गामियारि मुलि फालांगि आफादनि 8 थि गायसन्थाय सानखौ दिने सानसेनि हाबाफारिजों तामुलपुर जिल्लानि सिडव थानाय खैरनि सारिआलियाव खुंनय जायो। गायसन्थाय साननि हाबाफारि बायदिये फिफिलाखौ बिरहोयो दुलाराइ आसाम गामियारि मुलि (□ 6 बिलाइआव)

## बाक्साआव थाखो खथायाव 7 थाखो फरायसुलिखौ आथोनारि गाग्लोबदों

मुसलपुर, 1 नभेम्बर: राइज्योयाव फिन सुबुं समाजखौ लाजिफोनांनय मोनसे जाथाया बाक्सा जिल्लायाव सोमजिदों। फोरोंगिरि-फरायसालि गोथार सोमोन्दोखौ गुबुले खालामदों सासे लम्पत फोरोंगिरिआ, फरायसुलिखौ आथोनारि (□ 6 बिलाइआव)

## 3 नभेम्बरआव उदालगुरि जिल्ला बाथौ महासभानि माइनाव आफादनि 20 थि सावराय जथुम्मा खुंनो साखा-फारा

कलाइगाव, 1 नभेम्बर: फेगौ 3 नभेम्बरआव उदालगुरि जिल्लानि भुजाखात राइजोआरि गेलेग्रा फोथाराव सानसेनि मेहेर गोनां हाबाफारिजों उदालगुरि जिल्ला बाथौ महासभानि माइनाव आफादनि 20 थि सावराय जथुम्मा खुंनो साखा-फारा खालामगसिनो दं। मख'नो गोनांदि, उदालगुरि जिल्ला आफाद बाथौ महासभानि बान्जायनायाव आरो भुजाखात दखर आफादनि हेफाजाबाव खुंनो गोनां 20 थि सावराय जथुम्मायाव जिल्लानि मोन 22 दखरफोरा बाहागो लानो गोनां बे हाबाफारिनि साखा-फारा खालामनाया गोख्रोंडे सोलिगासिनो दं होन्नानै रायदाव आफादआ मिथिहोदों। मख'नो (□ 6 बिलाइआव)



## सुजुगिरिनि खोलोम



## दानाय-लुनायाव बर' आइजोफोर

बुंस हाथै समनिक्रयनो गामिआव राइजो जाग्रा सुबुंफ्र दानाय लुनायखौ गोनां आरिमु महरै गोबाना लाबोदों। बर' माहारिनि गेजेराव बाश्रा फंसे दइ; 'जाय हिन्जाव दानाय लुनायाव आखाय गैया बे हिन्जाव सिख्लाखौ रावबो हाबा खालामा'। बाश्राया नंखाय नइ। गामिआव नखरफ्रोमबो साल-गान्दैजों समायना इसानसाली थानायमोन। मेसें बोथेर सौफेनाय लोगो लोगो नखर नखर सि सौनाय, नो-खन्नाय, बिनि उनाव गान्दैआव खुन्दुखौ फाना सालाव दानाय। गामिआव हाबहेब्लानो नखर नखर खालथं, खालथं, माखु गाबनाय सोदोब खोनानो मोननायमोन। आधिखालाव नाथाय गामिप्रव हाबहेब्लो माखु गाबनायखौ बारा खोनानो मोनलिया। मनि जाहोनाव गामिनि आइजोफोर सि दानायखौ नागारनो हमखो, बेखौबो गोथौयै साननो गोनां जाबाय। गोदोफोर खुन्दुखौ गाव गावनो बाइदि रोखोम मुवाजों गोमो, गोथों गोजा, गोमो दाउदै बाइदि रोखोम मुवाजों बाइदि बाइदि गाव गाना सि दानायमोन। दानिया नाथाय, हाथायाव मोननाय गोजा गोथों गोमो बाइदि रोखोम गावनि खुन्दु बायना दखना, जोमग्रा सिमा, बाइदि बाइदि रोखोमनि सि दाबाय।

गोदो गामि गामि इन्दि बिफनि बागान खालामना एमफौ फिनानै फिथोबनिप्रय इन्दि, खुन्दु दिहना इन्दि सि दानायमोन। नखराव जोमनो दोनानैबो गुबुन्बो फानहरोमोन। इन्दि सिनि बेसेनआ गोदोनिखुइ आधिखालाव गोवां जसिनबाय। गोवां रोखोमनि इन्दिसि दाना दिहनुो हाब्ला बेनिप्रयबो गोवां रं मोननो हायो। बेजोंनो नखरनि गथ गथायनो लेखा-बायनो गाननाय जोमनायखौबो जगार खालामनो हायो। आधिखालनि सुबुंफ्र नाथाय इन्दिसिखौ जोमाबलानो हाथायाव मोननाय मनिपुरि जोमग्रा, कास्मीरि साल बाइदि बाइदि सि फोरखौसो बायना जोमसे।

सिनि फालांगि खालामनो माखासे आइजोफरा दाउगाबोनायखौ नुनो मोनदों। आइजोफोरनि दानाय लुनायनि आफदाफेर दाना लानायखौ नुनो मोनदोंसे। बे रोखोमनि उइभिं सेन्टाराव दखना जोमग्रा बाइदि बाइदि सि दाना हाथाय बाजाराव फाननोबो लाबाय। गामिनि सिख्लाफ्रनो बे उइभिं सेन्टाराव जानो अन्थाल' रं लाना दानाय लुनाय हाबाखौ मावनो हमबाय। नाथाय बेजों उइभिंनि सोद्रोमाफ्र बेसे बां मुलाफ्र देखांनो हादों बेबो मोनसे साननो गोनां। नुनो मोननाय बादियेब्ला उइभिंनिप्रय दिहनुजानाय सि-जोमखौ फाननायनि थाखाय नांगोमानि गुवार रोखोमनि हाथाय गैया। नांगो रोखोमनि गुवार हाथाय गैयाब्ला उइभिंनि थाना थानांगोआ गोब्राब। हादोरनि बायहाआवबो बे रोखोमनि हाथाय थानांगोन।

जैरिख जाया, माहारिनि हारिमु आरो आरिमुखौ फोथाना लाखिनायनि लामाखौबो लानांगोन। बि.टि.सि. हालामनि बर' आइजोफ्र गोदो गोदायनिप्रय सोलिबोनाय दानाय लुनायनि आखुखौ फोथाना लाखिनांगोन। बिटिसिनि देदेनगिरिफ्रनो गामिफोरनि आइजोफोरखौ थुलुंगा होनाने खाथिना जाग्रा सुबुंफोरनो गानग्रा दखना गांसेनि खुन्दु खिनिखौ जगायना सोरकार होनो हानांगोन। आधिखालनि गामिफोरनि सुबुंफोरनि हाल-साला गामा नलिया। जानाय लौनायखौनो जगायनो हायाब्ला गाननाय जोमनायखौ मात्रे जगायनो हानो? जैरिख जाया थानाने थानायनि राहाखौ बिटिसिनि देदेनगिरिफ्र गामिनि सुबुंफोरनो होनांगोन। बिनि लोगो लोगो माहारिनि हारिमु आरो आरिमुखौबो फोथानाने लाखिनांगोन।

## दिनैनि फान्जामुथि

## राशि बाइदियै मुंनि गिबि हांखो

मेघ : अ ल बृष : ऊ ब (उ ए इ) मिथुन : क छ (ड घ)  
कर्कट : ड ह सिंह : म ट कन्या : प ट (ण ष)  
तुला : त र बृश्चक : ब न धनु : ध भ (ढ फ)  
मकर : ख ज कुम्भ : ग श (स) मीन : द च (ख ज झ)

**मेघ:** मानिब थाखाय दुखु-दाहा सैनांनो हागौ। गोसो हमथानाने सोलिनांगोन।

**बृष:** नख 'रव गोवां रं खरसा खालामनांगोन। थाखानाय राड जोबखानो हागौ।

**मिथुन:** गोसो सिडव बायदिसिना सान्नानै गिखानाय मोनो हागौ। गोसोखौ लोरबां लानो नाइ।

**कर्कट:** जेखि मावा फालांगिआव रांखावरि मुलाम्फा खालामनो हागोन। मोजां सान।

**सिंह:** मावाफोर मुवा-बेसाद गोमानो हागौ। जैरिखो सांग्रा जानांगोन। गोसोखौ सान्थि मोननाय नइ।

**कन्या:** लोरबां जालानाय देहानिप्रय बोलोखौ मोनो हागोन। गोजोन्नायखौ मोनगोन। मोजां सान।

**तुला:** नख 'र संसार जानायाव दावराव-दावसिफोर सोमजिनो हागौ। गोसो हमथानाने सोलिनांगोन।

**बृश्चक:** मावाफोर जेनायाव गोलेबायनो हागौ। गोजोन्नाय गैयाजों सम बारहानांगोन।

**धनु:** देहायाव जालु-जालाआ जोबनाय नइ महर-मुसिआ साबखानाय नइ।

**मकर:** नख 'रनि सोमोन्दोआ गोदै जालांगोन। फारफोमथिबो मोजां। गोजोन मोनगोन।

**कुम्भ:** सुथुर थानायफोर जोबखालांगोन। गोजोनै थानो हागोन। मोजां सान।

**मीन:** बायदिसिना जेनाजों बुगिनांनो हागौ। गोसो हमथानाने सोलिनांगोन।

# “आन्दोयै गोसारलानाय: ड्रग्स आरो जोनि लाइमोन”

## “The Silent Epidemic: Drugs and Our Youth”

बाबुराम बर'  
7636038775

## सिनायथि Introduction

आधिखालनि गोखैथि गोनां मुलुगआव, लाइमोनफोरनि गेजेराव फेग्रा मुवा बाहायनायनि जोगानाया नख 'र, सोलौंथायगिरि आरो समाजनि थाखाय मोनसे बांलानाय जिंगा। लाइमोनफोरा मोगा-मोगि जानानाय जेनाफोरा गोवां जाबाय, आरो फेग्रा मुवाफोरखौ गोरलैयै मोननो हानायजों थासारिया गिथावना जाबाय। समाजनि बिगोमा आरो बिबान गोनां सोद्रोमा महरै, जौनि थाखाय जेनानि गोथौथिखौ बुजिनो आरो जौनि गथ 'फोरखौ रैखाथि होनो सांग्रा राहा लानाया गोनांथार। नोंथाड नोंथानि गथ 'खौ ड्रग्स लाग्रा जादों नामा बेनि गुमुर लानाया गिबियावनो गोनां, अदेबानि बेनि माखासे आखुथायफोरखौ नायनांगो। सासे सुबुंखो फेग्रा मुवा सोबग्रा महरै सिनायथि होनायाव गोवां समावनो बिसोरनि आखु, देहायारि नुथाय आरो समाजारि रायज्जालानाय सोलायनायनिप्रय हमदानो हायो, मानोना फेग्रा मुवा निसाया देहायारि आरो गोसोआरि मोननैबो लैखोनफोराव नुजाथिनो हागौ। बेयाव माखासे सरासनखा सिनायथिहोराफोर दइ। गिबियावनो एवा लाजेननायावनो होबथानो हायोब्लासो बिखौ लानायनिप्रय रैखा खालामनो हायो। खोथाया जाबाय दा, रावबो आं ड्रग्स लाग्रा जाबाय होना बुना लाया। अब्ला नों माबोरै मोनथिनो? अब्ला, नोंथाड गथ 'खौ गावसो गुमुर लानांगोन। ड्रग्स लाग्रा जाहाब्ला बिनि सोलिनाय आखुथायफोरा मा बादि जानो हागौ बेनि माखासे आखुथायफोरा जौखौ आनदोयै मोनथिनो खाबु होयो। बेनिखानयो साफ्रोमबो बिमा-बिफा एवा बिगोमानाव ड्रग्सनि सोमोन्दै गियान थानाया मोजां।

## 1. आखुआरि नेरसोनफोर:

\* हरखाब मुडनि सोलायनाय एवा रागा जौनाय: गोसोआव गले-गले सोलायबाय थानाय, गोवां समावनो जोबोद गोजौनिप्रय जोबोद गाहायसिम एवा गाहायनिप्रय गोजौसिम सानखाना जाथावै मिजिं खालामो।

\* मानसिनि सोलिनाय, राज्जालानायफ्र आगोलनिप्रय सोलायो। \* बेरायनाया बाडो। सान-मोना जाहोन गैया लाबानो लोगोफोरजों बेरायो।

\* बिबानफोरखौ नेवसिनाय: बिसोरो खामानि, फरायसालि एवा गुबुन बिबानफोरनिप्रय जानगाराव थानो हयो।

\* आन्दोआरि आखु: गावसोरनि हाबाफारिफोरनि सायाव सावरयनो गोसो गैया, एखुथायै एवा गोसो गैयाखौ बांहोनाय।

\* सोमोन्दोआव सोलायनाय: लोगोफोर एवा नख 'रजों दाडबाजि बांनाय, एवा मोनसे गुबुन समाजारि बेंखनजों लोगो जानाय।

## 2. फिजिकेल साइनफोर:

\* नुनायाव सोलायनाय: गावारि साखोन-सिखोनखौ नेवसिनाय, लिखाइ खमायनाय, एवा नुनायाव गोब्राब सोलायनाय।

\* गोमोथाव मोनामनाय: धुवा एवा केमिकेल बायदि मोदोमनाय, एवा मोदोमनायखौ मुखा गान्तो थाखाय गले-गले पारफ्युम/कल'न बाहायनाय।

\* थै नांनय मेगन, संकीर्ण एवा गुवार फरायसाफोर: गोवां मुलिफोरनि सरासनखा साइड इफेक्टफोर।

\* दिदोम सोमावसारनाय: गात्रि गोरोबलायनाय, गात्रि बिबुंथि एवा गात्रि राव बाहायनाय।

## 3. गोसोआरि नेरसोनफोर:

\* जिंगासिनाय एवा गोसो बायनाय: बांनाय जिंगासिनाय एवा गिलु बालु सानसि, जाय मोगथाडव गोरोबनाय नइ जानो हागौ।

\* थुलुगानि आंखाल: मोनसे समाव रंजानाय हाबाफारिफोराव गोसो गैया जानाय।

\* गात्रि गोसो होनाय एवा गोसोखांथि: हाबाफोराव गोसो होनाय एवा गुदि खिथाफोरखौ गोसोआव लाखिनायाव जेना।

## मुलुगनां नुथाय

इउनाइटेड नेशन्स अफिस अन ड्रग्स एन्ड क्राइम (इ.ए.न.अ.डि.सि.)नि बायदिब्ला, 2020 माइथाइयाव मुलुगनाडैनो 275 मिलियननि बांसिन सुबुंफोरा खेबसेब्लाबो फेग्रा मुवा बाहायदोमोन, जेराव लाइमोनफोरनि सुबुं अनजिमाया बयनिखुइबो गोबांसिन। लाइमोन बैसोगोराफोर, गुबैयै 15-29 बोसोर बैसोनि सुबुंफोरा, बुहुमनाडै फेग्रा मुवा बाहायग्राफोरनि सुबुं सानखोआ बयनिखुइ बांसिन। फेग्रा मुवा बाहायनाया खालि देहायारि सावस्त्रिखौल% गोहोम खोख्लैय, नाथाय मेलेमारि, गोसोआरि सावस्त्रि जेनाफोर, सोलौंथायारि फेलें जानायफोर आरो दायनि हारखौ बांहोयो।

## फेग्रा मुवा बाहायनायजों भारतनि जुजिनाय:

जौनि भारत हादोरावबो थासारिया समानैनो गिखंथाव। समाजारि न्याय आरो गोहो गोरा मन्थ्रि बिफाननि 2019 माइथायनि मोनसे फोरमायथिनिप्रय मिथिनो मोनो दि, 2.8 जौखोन्दोसो भारतरिफोरा आयेन बेरेखा मुवाफोरनि सायाव सोनारो। बेयाव नोगोरारि आरो गामियारि मोननैबो सुबुं अन्जिमा दं, पान्जाव, उत्तर प्रदेश आरो महाराष्ट्रआ बयनिखुइ बांसिन गोहोम गोलेनाय राइजोफोरनि मादाव माखासे। गिथावना बाश्राया बेनोदि भारतआव फेग्रा मुवा बाहायग्राफोरनि मोनसे मख 'जाथाव जौखोन्दोआ 15 निप्रय 35 बोसोर बैसोनि लाइमोन आरो लाइमोन बैसोगोराफोर। हेरइन्, गान्जा आरो फार्मासिटिकेल अपिय 'ड बायदि मुलिफोरनि गोरलैयै मोननो हानाया फेग्रा मुवा बाहायनायनि बांलानाय आखुथायखौ होबथानो जुजिनो गोनां खालामदों।

## आसामनि थासारि

आसामआवबो गुबैयै लाइमोनफोरनि गेजेराव फेग्रा मुवा बाहायनाया गोखैयै बांनाय नुनो मोन्दों। बे रायजोआ नसुसेनि

“गल्डेन ट्रायंगल”निफ्राय मोननाय ड्रग्स, गुबैयै हेरइन्नि थाखाय मोनसे ट्रेन्जिट लामा महरै नुजाबोदों। डटानिफ्राय मिथिनो मोनो दि, आसामाव 2.6 लाखनि बांसिन सुबुंफोरा सरासनखा फेग्रा मुवा बाहायग्रा। गुवाहाटी आरो गुबुन नोगोरारि ओन्सोलफोरा फेग्रा मुवा फालांगि आरो बाहायनायनि हटस्पट जाबाय। गाहायै आसामनि नगाव, गुवाहाटी, रंगिया बरबेता जिल्लालाया फारियै मख 'जाथाव। फरायसालि आरो फरायसालिमानि फरायसाफोरनि गेजेराव निसानि बांलानाय केसफोरा बिमा-बिफा आरो बिबानगिरिफोरनि थाखाय समान महरै गिनाय आरो जिंगानि आबहावा सोमजिहोदों।

## बर' लाइमोन आरो ड्रग्स:

फेग्रा मुवा बाहायनायनि सायाव बर' लाइमोनफोरनि अन्जिमाया सोमोनांथावयै बांबोनो हमदों। बड'लेण्डनि- तामुलपुर, कक्राझार, उदालगुरि, बाक्सा आरो चिरां जिल्लालाया थारैनो गिखंथाव थासारियाव। जौ-सेरेब लौनायनि अनगायैबो ड्रग्स बादि गिखंथाव जिराथ बाहायनायाव बर' लाइमोनफोरा गुबुननि रुजनायाव सेथि सिरियाव। बर' लाइमोनफोरखौ बे फेग्रा मुवा निफ्राय होबथानो हानाया गोवां जौखोन्दोयै गोब्राब। अब्लाबो नख 'रनि बिमा-बिफा एवा बिगोमाया गोवां सांग्रा जाना गोदान फेग्रा मुवा लाग्रा सोमजिनायनिप्रय जानगाराव दोननो हायो। बबेखानि गोवां लाइमोनफोरा बिमा बिफानि एवा बिगोमानि सांग्राथि गैयानिप्रय सोमजिनायखौ जों हमदानो हायो। नांगौनि बारा अननाय। मानो नांगो सोड हवा बिनाय मनि रां हरनाय। बिमा बिफाया गथ 'निफ्रायनो फरायनायाव मोजां गोसो होदोना होयाखै थाल लायै। उन्दैनिफ्राय आदाखावरा जाना देरनानै फरायसालियाव गोरों गथ 'फोरजों गावखौ गोरोब होनो हायैनि थाखाय उरां फारां जानानै फेग्रा मुवा बाहायग्रा जानाया गुबुन मोनसे गहाइ जाहोन। अदेबानि मोजांखा गोवां गथफ्राबो बर'फोरना बायजोआव फरायनो थाहैना ड्रग्सनि सिखार जानादों। फरायनाया मोजांखाय बिमा बिफाया बिसोरबादि मेरिट गोनां गथ 'खौ बारा थाल लानांगो गैया, बिसोर गोरों जाखाबाय होना थाल लाया। 30 निफ्राय 40 जौखोन्दोनि गुन गोनां लाइमोनफोरनो ड्रग्सनि इदिकतेत जानादों। जौनि बिमा-बिफा एवा बिगोमाफोरा मोजां गथ 'फोराबोदि गात्रि लोगो मोनना गात्रि जाफानो हागौ बेनि सायाव जेबो उदिसानो गैया। जायनि थाखाय गोवां गोरों-गोरा गथ 'फोराबो गात्रि लोगो मोनना गात्रि जाफानायखौ जों नुनो मोनदों। गोदो जों नोगोरफ्रावसो ड्रग्स लानायनि सोमोन्दै खोनायोमोन। नाथाय दा जौनि गामि गफाफोरावबो गोवां ड्रग्स लाग्रा जोमोना जानायखौ नुनो मोन्दों। बर' गामि गामि ड्रग्सनि साग्लोबसारनाया थारैनो गोवां गिखंथाव।

## लाइमोनफोरनि सायाव गोहोम

लाइमोनफोरनि गेजेराव फेग्रा मुवा बाहायनाया गोजानसिम सौहेग्रा फिथायफोर दइ:

सावस्त्रि जेनाफोर: फेग्रा मुवा बाहायनाया गोजाम सावस्त्रि जेनाफोर सोमजिहोयो, जेराव लिभारनि खहा, मेलेमारि, बिखानि बेराम, हाव-फावनि जेना आरो गोसोआरि जेनाफोर जैरै गोसो बायनाय आरो जिंगासिनाया बाडो। अदेबानि लासै लासै गासै सोलेरावनो फेग्रा साग्लोबो आरो खहा खालामना सुबुनि सावस्त्रिखौ आबुडै नोरजिया खालामो। दिनै खनसे गाबोन खनसे लोगोफोरजों लादाव लादाव बे मोनसे एंगार हायै सर'आव गुस्ताय लाडो एवा एदिकटेट जायो। ड्रग्स इदिकटेट जानाय सुबुंखौ फाहामनो हानाया गोवां गोब्राब। गोवां खम बिबानि सुबुडसो ड्रग्सनि गाम्लोबसारनायनिप्रय मोजां जाफिननो हादों। बेनिखायनो बिगोमाया गथ 'खौ बे बेरामनिप्रय जानगाराव थानो थाखाय आगोलावनो सांग्रा खालामनाया मोजां।

## सोलौंथायारि आरो समाजारि गोहोम:

फेग्रा मुवा बाहायनायाव लोब्बा थानाय लाइमोनफोरा गोवां समावनो सोलौंथायारि दिन्थिफुनायाव बाडइ जानायखौ मोनदानो हायो, जायनि जाहोनाव फरायसालि नागारनायनि हारआ बांसिन जायो। फेग्रा मुवा बाहायग्राफोरनि गेजेराव समाजारि एखुथा आरो गात्रि नख 'रारि सोमोन्दोआ सरासनखा।

दाय आरो हिंसा: फेग्रा मुवा बाहायनाय आरो दायगोनां हाबाफोरनि गेजेरनि सोमोन्दोआ मोजाडैनो गायसनजानाय। फेग्रा मुवानि सायाव सोनारनाय सुबुंफोरा खावनाय, हिंसा, आरो लांखारनायफोरावबो लोब्बा थानायनि बांसिन जाथवना, जाय बिसोरनि फिन थाना थानायनि खाबुखौ गात्रि खालामो।

## बिगोमाफोरनि बिफाव

दिथागिरि महरै, जौनि गथ 'फोरखौ फेग्रा मुवा बाहायनायनि फान्दायनायाव गोलेनायनिप्रय होबथानायाव जौहा मोनसे गोनांथार बिफाव दं। बेयाव जों लानांगो माखासे गाहाय खामानिफोर दइ:

गिबियावनो बिमा एवा बिफानि गेजेराव सोरबा सासेया मोनथिप्रोदोब्ला बेखौ सारैनि गेजेराव सावरयलायनो नांगो। नंगौब्बाबो नइबादि एरसोनो नागिरनाय एवा फोलानो नागिरनाया बिसोरखौ थुलुंगा होनायसो जायो। मोनथिदोब्ला बेखौ थगायनो नाइ। सोरबा गामिनि मानसिया खिन्थाब्ला खिन्थाग्राखौ रायनो नाइ। बेनि सायाव नंगोखौ सं दानना गोखै सोखानो राहा लानांगो।

## गेवलां सुत्रोब:

फेग्रा मुवा बाहायनायनि खैफोदनि बागै गावनि गथ 'फोरजों गेवलां आरो थार रायज्जालानायखौ थुलुंगा हो। बिसोरनो मिथिहो दि बिसोरो बिजिरालाबांसिनो गाव मोनथिस्त्रलाबे माब्लावानो ड्रग्सनि खाथियाव थानो हागौ।

बिसोरनि हाबाफोरखौ नोजोर हो: बिसोरनि गावारि खोथाखौ मान होनानै, गावनि खुदियानि समाजारि बेंखन आरो सानफ्रोमबोनि हाबाफोरनि बागै सांग्रा जानाया गोनांथार। आखु, गोसोनि थासारि, एवा सोलौंथायारि दिन्थिफुनायाव जायखिजया सोलायनायनि सायाव नोजोर हो, जाय फेग्रा मुवा बाहायनायनि सिगानि नेरसोनफोरखौ दिन्थिनो हागौ।

बिसोरखौ थाबैनो सोलौंथाय हो: फरायसालि आरो न'फोरा फेग्रा मुवा आरो बेफोरनि गोहोमफोरनि बादे सिगां सोलौंथायनि जायगा जानांगोन। जुदि लाइमोनफोरा बेयाव थाफानाय खैफोदफोरखौ बुजियो, अब्ला बिसोरो गियान गोनां थिरांथाफोर लानायनि बांसिन आसा थायो।

जिउराहायारि हेफाजाब नागिर: जुदि नोंथाड सन्देह खालामो दि, नोंथानि खुदियाया फेग्रा मुवा बाहायगासिनो दं, अब्ला जिउराहायारि सुबुंफोरनिप्रय मदद ला। गोवां फिन फर्सफिनाय हाबाफारिफोर आरो बोसोन होनाय सिबिथायफोर दं, जाय बिमा-बिफा आरो गथ 'फोर मोननैखौबो हेफाजाब होयो। आधिखालाव ड्रग्स इदिकटेट सुबुंखौ फाहामनायनि थाखाय सरकारि आरो गावारि फर्सथानफोर दं। बेफोराव लाना ड्रग्स इदिकटेट सुबुंखौ फाहामनायनि राहा लानो हायो।

मोनसे मोजां बिदिन्थि थि खालाम: गथ 'फोरा गोवां समावनो न'आव नुनाय आखुफोरखौ नकल खालामो। जौ, थांखु आरो प्रिस्क्रिप्शन मुलिफोर बायदि मुवाफोर बाहायनायनि सायाव सांग्रां जा।

## ड्रग्स लाग्राफोरनि फेन सारकोल:

ड्रग्स लाग्राफोरनि फेन सारकोला गोमोथाव। जोबोर गोजान गोजाननि लोगो मात्रे लोगो मोनो जेबो मोनथि मोना। बिमा-बिफाया फिसाज्जालाखौ फेग्रा मुवा लाग्रा जानायनि साजा होनो नागिरब्ला एवा होयोब्ला बहा-बहानिप्रय गिदिर गिदिर बाइक लाना दावखा सिलाफोर बादि ज' जायो रावबो मोनथिस्त्रलाब।

## फोजोबनाय

फेग्रा मुवा बाहायनायनि हेंथायै दावहाया ओरैबायदि नइ जायखौ जों हारसिडैनो देरहानो हायो। बेनि थाखाय बिमा-बिफा, सोलौंथायगिरिफोर, सुबुं समाजनि देदेनगिरिफोर आरो आयेन बाहायग्राफोरनि जथाय नाजानायनि गोनांथि दं। दिथागिरि महरै, जौनि बिबानआ सांग्रा, अन्सुला आरो सांग्रां जानानै जौनि गथ 'फोरखौ रैखाथि होनाय। मोनसे हेफाजाब होग्रा आरो बुजिनो हानाय आबहावाखौ जौगाहोनानै, जौ आधिखालनि लाइमोनफोरखौ फेग्रा मुवा सोबनायनि खैफोदनिप्रय गोजानाव लानायाव मदद होनो हायो, जायजों बिसोरनो मोनसे सावस्त्रि, गोजों इयुनाव मोनसे खाबु होनो हायो।

## आमेरिकायाव हादरगिरि बिसायख 'थिनि सिगां 6 कौटि भटारफोरा भट होदों

## वाशिंटन, 1 नभेम्बर:

आमेरिकायाव फेग्रा 5 नभेम्बरआव हादरगिरि बिसायख 'थिआ खुं जागोन। नाथाय बेनि सिगांनो 6 कौटि आमेरिकन भटारफोरा भट होदों। बिसोर भटारफोरा मेल एवा पार्सनेली भट होनानै गावनि गोहो एवा मोन्थाइखौ बाहायदों। आमेरिकन भटारफोरा रिपब्लिकन बिजाथि डनाल्ड ट्राम्प आरो डेमक्रेट बिजाथि कमला हेरिसनि गेजेराव सासेखौ गाव-गावनि हादरगिरि सायख 'गोन। अदेबानि मेलनि गेजेरजों जानाय भर्तिनि जाहोनाव बिसायख 'थिनि फिथाइआ गोबावजों फैनो हागौ। सुत्तुनि बादिब्ला, जर्जिया आरो सा केरलिनआव कमला हेरिस आरो डनाल्ड ट्राम्पनि गेजेराव गोखौ



बादायलायनाय जागोन। जर्जियाआव ट्राम्पनि हान्जायाव 48 जौखोन्दो भटारफोर दइ, गुबुन फार्से कमला हेरिसहाबो 47 जौखोन्दो सुबुंफोरनि हेफाजाब मोन्दों। बिथामोनि गेजेराव 1 जौखोन्दोनि ल' फाराग नुनो मोन्दों। सा

केरलिनानि बाश्रा बुडोब्ला बेयाव कमला हेरिसआ 48 आरो ट्राम्पआ 47 जौखोन्दो भटारफोरनि मदद मोन्दों। सा केरलिनआव 48 जौखोन्दो भटारफोरनि मदद मोन्दों। 2008 बिगुर गोसोम भटारफोरा बाहागोआव गावस्त्रायो। बैयाव अबामाआ बिसोरनि मदद मोन्दोंमोन।



## गाहाइ मन्थि मदि आरो मिरुनि मन्थि अमित शाह बिथांमोनहा दिवालीनि हामब्लायथि बाउदों

गोदान दिल्ली, 1 नभेम्बर: सोरनि फोर्बो दिवाली फोर्बोखो दोहो गोनाडे फालिनाय जादों। बे खाबुआव गाहाइ मन्थि मदिआ हादतनि बयनिसिमबो गाहाम हामब्लायथि होयो। एक्स हेन्डेलआव बिथाडा लिरदोंदि, हादतगिरिफोरनो दिवालीनि गोबां हामब्लायथि। सोरनि बे गिदिर फोर्बोआव साफ्रोमनिबो सावस्ति, सुखु-गोजोन आरो खाफाल गोनां जिउनि थाखाय आर'ज गाबो। बिमा लक्ष्मी आरो भागवान श्री गणेशनि अन्नायजों बयनिबो जौगाखांनो हादों। फासैथि मिरुनि नख'र मन्थि अमित शाहयाबो हादतगिरिफोरनो दिवालीनि



हामब्लायथि होनाए एक्सआव लिरदों- गासै हादतआरिनिमिसम सोरनि फोर्बो दिवालीनि गाहाम हामब्लायथि बाउहरो। बे आलारिनि फोर्बोआ नोंथांमोन

बयनिबो जिउआव गोदान गोहो, रहा लामा आरो गोजोन लानानै फेदों। बिथांमोननि अनगायै मिरुनि मन्थि ज्यतिरादित्य सिन्धिया बिथाडाबो दिवालीनि

खालामनानै एक्सआव लिरदोंदि, "अलौकिक आयद्या मर्यादा पुरुषतम भगवान श्री रामनि गावनि गोथार मन्थिगव हाबफैनायनि उनाव बेयो गिबि दिवाली। आयद्याआव श्री राम ललानि मन्थिगव बे समनि खोन्दोफोर साफ्रोमखौबो गोसो गोजोनम्लायहोगोन। गासै 500 बोसोरनि उनाव बे गोथार समा राम सिबियारिफोरनि बाउगारहायै जिउ बाउनाय आरो मुखजोबनो हायै। त्याग-तपस्यानि उनाव फेदों। जोंहा खाफाल गोनांदि, जों बयबो बे जारिमिनारि समनि साखि जानो हादों। श्री रामनि जिउ आरो बिथानि गोथार थाखिया भारतनि थांखिफोरखौ मावफुनायाव हादतआरिफोरनि थाखाय थुलुंगा जानानै थागोन होन्ना बिथाडा गावनि फोथायनायखौबो गाहाइ मन्थि मदिआ फोरमायदों।

गोदान दिल्ली, 1 नभेम्बर: हादतआव दिवाली फोर्बोखों लोगोसे अक्टबर दाना जोबना नभेम्बर दानआ जागायबाय। नाथाय राजथावनिनाय अक्टबरनि जोबथायावबो बोथोरखौ सुरलायनाय मोन्दाडाखै। दिल्लीनि सफदरजं बोथोर मिरुआ 1951 माइथायनि उनिफ्राय दासिमाव थांनाय अक्टबर दानखौ बयनिखुइबो गरमसिन होन्ना फोरमायदों। अक्टबर दानाव सफदरजं गनि दानआरि मेक्सिमम आरो मिनिमम बिदुंआ फारियै 35.1 डिग्रि सेल्सियाय आरो 21.2 डिग्रि सेल्सियास थिसनजादों। जेब्ला मिनिमम बिदुंखौ नायबजिरो अब्ला मिबथिनो मोनोदि, 1915 आरो 1951 बे मोनै बोसोरनि मिनिमम जौखोन्दो बिदुंआ 22.3 डिग्रि सेल्सियास थिसनजादोंमोन। फारसैथि

## दिल्लीआव अक्टबरनि बिदुंआ 73 बोसोरनि रिकर्डखौ सिमफायदों



1941 आव बेयो 22.1 डिग्रि सेल्सियासनि साखाथियाव थिसनजादों। देलायनि अक्टबर दानआव बिदुंआ एसेबां गोबाडे थानायखौ बोथोर बिगियानगिरिफोरा जिंगा फोरमायदों। बेफोरो बिथांमोनहा ग्लबेल वार्मि आरो माखासे बोथोरारि सोलायनायनि जाहोनाव जादों होन्ना गनायथिनाय जादों। लोगोसेनो बिदुं बांनाया बेखोबो इसारा होयोदि, बे रिकर्डआ सोरबा सासनि सानफ्रोमबोनि जिउआवल' गोहोम खोख्लैया,

बोथोर गोखै सोलायनायनिबो वार्नि एबा सांग्रिथिबो होयो। सोनाब नारसिन्हाइया फेयै आरो सानफ्रोमबो खम-बागयै सान्दुं दुनायनि जाहोनाव अक्टबर दानआव सुबुंफोर बिदुं एबा गरमजों भुगिनादों। बुधवारखालि दिवालीनि सानसे सिगां दिल्लीयाव मेक्सिमम बिदुंखौ सरसन्धानिफ्राय बांसिन 36.1 डिग्रि सेल्सियास आरो मिनिमम बिदुंआबो सरसन्धानिफ्राय 5 डिग्रि बांसिन 21.0 डिग्रि सेल्सियास थिसनजायो।

## पाकिस्ताननि पाञ्जाब राइज्योनि गिबि मन्थि शरिफआ दिवाली फोर्बोआव बाहागो लादों

इस्लामबाद, 1 नभेम्बर: पाकिस्ताननि बारग' गाहाइ मन्थि नवाज सरिफनि फिसाजो आरो पाञ्जाबनि गिबि मन्थि मरियम नवाज सरिफआ बुधवार, 30 अक्टबरगव 90 शाहगह-ए-कायद-ए-आजमआव खुंनाय दिवाली फोर्बोआव बाहागो लानानै राइज्योआव एसेल' सुबुं अन्जिमाफोरनि हेफाजाबआव गुबुन-गुबुन हाबाफारिफोरखौ फोसावो। मरियमआ बेखौबो फोरमायोदि, बिथाडा भारतनि पाञ्जाबनि गिबि मन्थि भगवत सिंह मान बिथांनो लाइजम हरनानै स्मगखौ फोजोबनायनि थाखाय जुथाइयै नाजानायनि बाध्रा बुंदों। बिथाडा स्मगनि आयदाखौ राजखांनिशयारि आयदा खालामाजसे, सुबुंथियारि जिंगा महरै नोजोर होनो खावलायो आरो एसेल' सुबुं अन्जिमाफोरनि मोन्दाइफोरखौ रैखा खालामनो थानाय गावनि गोखौं समायखिरा



लानायखौ बुंथियो। फोर्बोनि समाव, गिबि मन्थि मरियम नवाजआ एसेल' सुबुं अन्जिमा थानाय हारिफोरनि थाखाय जर'खा कार्ड फोसावो आरो माइन् रिटि भाचुंएल पुलिस स्टेशन गाइसन्बो फोसावो। बिथाडा बिसोरनि ओन्सोलाव जौगाखांनोनायनि थाखाय राइज्यो सरकारा लानाय बिथांखिफोरखौ फोरमायो।

आसार-खांथियारि दिवालीनि आलारि फोर्बोआव नवाजआ भाचुंएल बमा-पटका आरो थारबारि सावनायाव बाहागो लायो। पाञ्जाबनि गिबि मन्थिया हिन्दु आरो आइजोफोरखौ सावरयो आरो 1,400 हिन्दु नख'रफोरनो 15,000 रं चकबो रान्ना होयो। फोर्बोनि हाबाफारियाव बिबुंथि लाखिना एसेल' सुबुं अन्जिमा गोनां

हारिफोरनो हेफाजाब होगोन होन्ना फोथायनाय होना सोरबा माइन् रिटिया खैफोदआव गोरलैब्ला बिसोरनि हेंथा अनानगरजों जुजिगोन आरो भुगिनांनाय सुबुंफोरखौ लोगोसे गसंगोन होन्ना बिथाडा गावसोर बयबो पाकिस्तानी आरो दिवालीआ गोजोन, अन्नाय आरो हेफाजाब होन्नायनायनि नेसोन होन्नाबो बुडे।

## दिवाली फोर्बोनि समावनो दिल्लीआव बुथारनाय जाथाय सोमजिदों

गोदान दिल्ली, 1 नभेम्बर: दिल्लीनि फर्स बाजार ओन्सोलाव सा 3 सुबुंफोरनि सायाव दुथांफोरा गुलि गावदों। गासै सा 5 दुथांफोरनि थांखिनाय गैयै गुलि गावग्लुं नायाव सानै गथ'साफोरबो गुलि नांजायो। बे जाथायाव गुलि नांजानानै आकाश एबा छट्ट ऋषभ शर्मा, कृष शर्माआ जोखोम जायो। बिसोरखौ डे हेडगोवार फाहामसालिआव थिसनानै फाहामथाय होनाय जायो। बे जाथायनि सिंसिडिभि फुटेज बोखानो मोनो। पुलिसआ गौथै सहखौ परस्टमटनि थाखाय



दै थायहरो। पुलिसआ दानिगिरिखौ सदान्दो जागायबाय। बेरफासै दिल्लीनि द्वारकाआव छावला ओन्सोलावबो बृहस्पतिवारखालि मोनाबिलिआव गंसे बासआव लानानै थांनाय माखासे पटका बमफोरव अर खामनानै सासे सुबुंडा जोखोम जायो। जाथायनि खौरं मोनानै पुलिस बिवानगिरिआ जाथायसालिसिम सौहैयो। नायबिजिरनायखौ जागायजेन्नायाव मिथिनो मोन्दादि, सासे सुबुंडा पटका लानानै बासजों थांगासिनोमोन। बेयावनो बौरैबा बमाआ बेरफुना

बासआव अर नाडे आरो पटका लाग्रजों लोगोसे सेराव जिरायनाय सुबुंडा जोखोम जायो। बिसोरखौ देहा फाहामसालिआव थिसनानय जायो। बिन्दिनो गुबुन मोनसेबाव जाथायखौ दिल्लीनि बभाना ओन्सोलाव नुनो मोन्दा, जेराव गुरनै रूतिखौ लानानै सानै मावफारियायनि गोखोडै नारखांहरलायनायाव फेक्टरिनि सासे मावसुमानि जिउ गोमायो। जिउ गोमानाय सुबुंखौ राम प्रकाश होन्ना सिनायथिनो हादों। जिउ पुलिसनि बादिब्ला, बे जाथाया 29 अक्टबरखालिनो

जादोंमोन, जेब्ला राम प्रकाशआ दिवालीनि सिगां फेक्टरिखौ साजायदोंमोन। बियो फेक्टरिनि बै थालायाव साजायबाय तादोंमोन। बे समावनो असलम मुनि सासे सुबुंडा गुबुन गंसे फेक्टरिनि टेरिसआव थाबायदिना दडमोन। बियो राम प्रकाशनाव गुरनै रूति बिहरो। नाथाय प्रकाशआ हरनो नेवसियो आरो गावनि रंजों बायनानै जा होन्नाबो बुडे। बेनि गेजेरजों दावराव-दावसिआ बांलाडे आरो उनाव बुलायना नारखालायनायाव राम प्रकाशनि जिउआ गोमायो।

## एलपिजि सिलेन्डरनि बेसेना 62 रं बारायदों

गोदान दिल्ली, 1 नभेम्बर: नभेम्बर दान हाबनाय लोगो-लोगोनो सरसनस्त्रा सुबुंफोरा सोमो नादों। अदेबानि मोनफ्रोमबो दाननि गिबि अक्टआव एलपिजि सिलेन्डरनि बेसेना आपडेट जायो। दिनेबो 1 नभेम्बर 2024 आव बेनि बेसेना आपडेट जादों। गोदान आपडेटनि बायदिब्ला, कमासिएल सिलेन्डरनि बेसेना 62 रं बारायदों। बेनि ओंथियानो जादों। कमासिएल सिलेन्डरनि बेसेन बांनाया सरसनस्त्रा सुबुंफोरनि सायाव गोहोम गोरलैनो हागौ। बबेखायनि मोजां बाध्राया बेनोदि, नख'रि सिलेन्डरनि बेसेना दिदोमैनो दड।



बेयाव जेबो सोलाय-सोल' जायाखै। दिल्लीआव कमासिएल सिलेन्डरनि बेसेना 1802 रं जाबाय। अक्टबर आव बेनि बेसेना 1740 रंमोन। कलकातायाव 19 किल'नि सिलेन्डरआ 1850.50 रंनिफ्राय बाययानानै

1911.50 रं जाबाय। मुम्बाइआव कमासिएल सिलेन्डरखौ 1754 रंआव मोनगोन। अदेबानि थांनाय दानाव बेनि बेसेना 1692.50 रंमोन। चेन्नाइआव 19 किल' एलपिजि सिलेन्डरआ 1903 रंनिफ्राय बाययानानै 1964 रं

जाबाय। अयेल मार्केटि कम्पानिफोर बे दानावबो नख'रि सिलेन्डरनि बेसेनाव जेबो सोलाय-सोल' खालामाखै। जोबथा खेब 2023 माइथायनि आगस्ट दानआव बेनि बेसेनफोराव सोलाय-सोल' जादोंमोन। बेनि उनिफ्रायनो गासिबो सहफोरव बेनि बेसेना दिदोमैनो थादों। दिल्लीआव

803 रं, कलकाताआव 829 रं, मुम्बाइआव 802.50 रं, चेन्नाइआव 818.50 रं। मख'नो गोनांदि, उज्जवल यजनानि मुलाम्फागिरिफोरनो नख'रि सिलेन्डरनि बेसेनाव 200 रंनि साबसिडि मोनो आरो बिथांमोना बे सिलेन्डरआ 603 रं गोरलैयो।

## अलगावादिनि सायाव नोजोर लाखिनो भारतआ साइबार संगालि खालामदों होन्ना कानाडाया फिन दाय जाबसिन्दों

गोदान दिल्ली, 1 नभेम्बर: कानाडा आरो भारतनि गेजेराव सोमोन्दोआ गाञ्जिनिफ्राय गाञ्जिसिन जाबोनो हमदों। कनाडानि संगालि एजेन्सिआ मोनसे गोदान सांग्रंथि फोसावदों आरो फिन जेना गोनां दाय जाबसिन्दों। भारतआ कानाडायाव गिदिर साइबार गार्लोबनो हागौ, लाश्रियै कानाडानि सरकारि वेबसाइटखौ थांखि खालामगसिनो होन्नाबो बुडे। कानाडानि टेलिकम रैखाथि फसंथाननि बायदिब्ला, भारतआ साइबार टेक्नीकनि गेजेरजों अलगावादिफोरनि सायाव नोजोर लाखिदों। एजेन्सिआ दाय जाबसिन्दोंदि, भारतआ साइबार गोहोफोरखौ कानाडानि सरकारि नेटवार्कनि हेंथायै गार्लोबनायखौ बांहोनायाव बाहायगासिनो। कानाडानि टेलिकम रैखाथि फसंथाननि गाहाइ केरलिन



जेभियारआ बुडेदि, भारतखौ गावसोर दरसै जाखांफुनाय साइबार खैफोद गोनां हादत महरै रोखा नोजोर होयो। भारत आरो कानाडानि गेजेराव सोमोन्दोआ साइबार गार्लोबनायनि जाहोनावनो जेना गोनां जादों। एजेन्सिआ गावनि रिपटआव बुडेदि, कानाडानि दाय जाबसिन्नायनि उनाव भारतनि मदतगिरि हेकटिभिसट ग्रुपआ

सुबुंफोरा गुलि गावना बुथारदोंमोन। उनाव कानाडानि गाहाइ मन्थि जासिन् टुड'आ निज्जरखौ बुथारनायनि दायखौ भारतनि सायाव जाबसिनो। नाथाय दासिमबो टुड'आ बेनि मोनसेबो फोरमान होनो हायाखै। निज्जरखौ बुथारनायनि उनिफ्रायनो भारत आरो कानाडानि सोमोन्दोआ जेना गोनां जानानै फेदों। भारतआ कानाडानिफ्राय गावनि थान्दै फोरखौ लिंहरफिनजोबो आरो कानाडानि सा 6 थान्दैफोरखौ भारतआ हादतनिफ्राय होखाहरो। कानाडानि संगालि एजेन्सिआ भारतखौ जौगाफुनाय साइबार खैफोदआरि हादतफोरनि फारिलाइआव दोन्दों। बे फारिलाइआव भारतनि अनगायै रासिया, चीन आरो सा-करियाआबो दड।

### Format-C-1

(for candidate to publish in Newspaper, TV)

#### Declaration about Criminal Cases

(As per the judgment dated 25<sup>th</sup> September, 2018, of Hon'ble Supreme Court in WP (Civil) No. 536 of 2011 (Public interest foundation & Ors Vs. Union of India & Anr.)

**Name and address of Candidate:** - Shri Nirmal Kumar Brahma, Vill- Bhabanipur, P.O.-Joypur,

P.S.- Amguri, Dist.- Chirang, BTR, Assam, Pin-783393

**Name of Political Party:-** United People's Party Liberal

(Independent candidates should write "Independent" here)

**Name of Elections:-** By election to the Assam Assembly, 2024

**Name of Constituency:-** 31 Sidli (ST) LAC

**I, Shri Nirmal Kr. Brahma,** a candidate for the above mentioned election, declare for public information the following details about my criminal antecedents:

(A) Pending Criminal Cases			
Sl. No.	Name of Court	Case No. and dated	Section (S) of Acts concerned and brief description of offence (S)
1.	Civil Judge (Jr. Division) Cum- J.M.F.C., Bijnai	PRC-21/2023 FIR No. 01/2023 Dt.02/01/2023 Amguri, Police Station, Dist.- Chirang, BTR, Assam	U/S-384/341/506/323/294/34 IPC The complainant alleged that on 12/12/2022 at about 11:00 am the accused stopped a Vehicle Dumper loaded with sand gravel and Boulder near the accused village while returning from Quarry depot towards Joypur and forced the driver of the Dumper to stop the Vehicle and demanded money by abusing the driver and threatening him with dire consequences.

(B) Details about cases of conviction for criminal offences			
Sl. No.	Name of Court & date (S) of Order (S)	Description of offence (S) & Punishment imposed	Maximum Punishment Imposed
	Not Applicable	Not Applicable	Not Applicable

Sarat Ch. Wary  
Election Agent for  
Shri Nirmal Kr. Brahma  
Candidate, UPPL  
By Election 31 Sidli (ST) LAC, 2024



# भारतनि बायदि आखाय खबजबना नमस्ते होन्ना बबे हादतआव मान होनाय जायो

मुलुगनि दरफोमबो हादतहानो गावनि आंगो हारिमु आरो खान्थिफोर दड, जेराव जेब्लानो सोरबा आलासिजों लोगो मोनो अब्ला बेखौ बरायनाय एबा मान होनाय जायो। बबेबा हादतआव हाय-हेल' होन्नाय जायोब्ला, बबेयावबा बरायनायनि आलादा नेम-खान्थि दड। जेरै भारत हादतआव आखाय फारसैबो खबजबना नमस्ते एबा खुलुमनाय जायो। सोमोनांथावदि, मुलुगनि गुबुन दरसे हादतआवबो बिबिदो बरायनाय आरो मान होनाय जायो। भारत हादतनि हारिमु, दोरोझारि आसार-खान्थि होनोब्लानो मुलुगआव आलादा सावगारि सेबखां जायो आरो गुबुन थाखोनि मान मोन्दांथियो। बुंनो थाडोब्ला भारतनिफ्राय



गावनि राव आरो हारिमुनि आखाय मुलुगाव सिनायथि जायो। बेयाव नेपालि राव बुंनय जायो आरो नमस्ते होन्ना भारतनि बायदिनो बाहायो। हाय-हेल' होनाजासे नेपालआव आखाय खबजबना नमस्ते खालामनाय जायो। 2011 नि सुबुं सुमिरिन् बायदिब्ला, नेपालआव 81.3 जौखोन्दोआ हिन्दु धोरामारि आरो 44 जौखोन्दो मुस्लिम, 9 जौखोन्दोआ बौद्ध, 1.4 जौखोन्दो खूष्टान धोराम मानिग्रा सुबुंफोर दड। अदेबानि बेयाव 7 लाख भारतीरी सुबुंफोर थयो। बेनि जाहोनाव नेपाल हादतआव भारतीरी हारिमुनि गोथौ साया नुनो मोनो।

धोनिस्निन आरो साबसिन हारिमुयारि सम्पद एबा बिरासत बुहुमाव नागिरना मोनो थाड। बेयाव मोनफोमबो खोन्दोआवनो समायना आरो नेम-खान्थि दड। भारत हादतनि मुलुगाव बयजोंबो मिबथिसार जानाय मोनसे सिनायथियानो जादों आखाय खबजबना खुलुमनाय एबा खर' गंगलायना नमस्ते खालामना बरायनाय आरो साबायखर

होनाय। नाथाय भारतनि अनगा मुलुगआव गुबुन दरसे फिसा हादत दड, जेराव नमस्ते होन्नाय आसार-खान्थि नुनो मोनो। बेयावबो सुबुंफोर गावजों गाव लोगो मोनोब्ला एबा आलासि, देरसिन सोमोन्दो जानाय बाय-बाहागि, सिनायनाय सुबुं लोगो मोनोब्ला आखाय खबजबना नमस्ते होन्ना बुडे। नेपालआ

## बर'नि फिसाफोर

नै नोंसोर बर'नि फिसाफोर-  
मेगना खेव मेगना खेवदो।  
नै, नोंसोर बर'नि फिसाफोर-  
नायफिन्दो नोंसोर गावनि बर' हारिखौ।  
बोखांदो नोंसोर गावनि हारिनि गियानखौ,  
अनखांदो नोंसोर गावनि असे बर' सुबुंखौ।  
नै, नोंसोर बर'नि फिसाफोर-  
दाखालामसै नोंसोर आलाय-सिलाय,  
गावनि असे आंगोनि बर' हारिखौ।  
थैनि बेरझावनायजों, थैनि बेरझावनायजों।  
नै, नोंसोर बर'नि फिसाफोर-  
मानो मुगैखो नोंसोर गावनि असे हारिखौ।  
मानो मुगैखो नोंसोर गावनि असे बर' सुबुंखौ  
मानो बावलांखो नोंसोर गावनि असे आंगोनि  
बड'लेण्डखौ ?  
नै, नोंसोर बर'नि फिसाफोर-  
फैफिन्दो नोंसोर खौसेनि गियान लाना।  
खौसेनि आखाय मुथाजों  
बिरहो फैदो नोंसोर बड'लेण्डनि फिरफिला।  
बुहुमनि मोखथांखोर अखां बिखानि,  
खोलो-खोलो बारनाय बारनि सायाव आलो-आलो।  
बायदेमलाय-सिदेमलाय गेलेथों रंजा खुसि  
जोंनि बर' हारिनि बड'लेण्ड फिरफिला।  
बिनि सायखंआवनो थाना थागोन जों बर' हारि।  
नै, नोंसोर बर'नि फिसाफोर  
बे गोमोथाव लाथिखं माया बुहुमाव,  
बेजोंनो गायसनना गालांदो नोंसोर  
बर' हारिनि सिनायथि नेसॉन-  
बड'लेण्ड आलादा हदोरनि गोग्गोम खाम्फा।

श्री निर्मल चन्द्र बसुमतारी  
नाइकगाव जनप्रिया गोजौ फरायसालि

## समायना

बेनो गिबि आंनि मेगनिन नोजोराव  
मुड नोंनि जेरै समायना  
महरा नोंनि नायबाय थाथाव थाव  
थफिनाय समायना गुलाब बिबार बायदि।  
लोगो मोनजेन्नाय समाव  
हालां बाजारनि गोथार देउल मेला  
गोसोआ माब्रैबा हरखाव सोलायबाय  
नोंनि समायना महरखौ नुनानै।  
नाजाब्लाबो नाजाब्लाबो बावनो हायै  
नोंनि अन्नायनि गोदै बिसम्बिया  
उसु खुथु मोनलायनाय सानखानाय सोमजिहोयो  
गोसो गोबोंनि गुरैसिन थावनियाव।  
मेगन बेझां खानाय लाम्ब्रे देरफुनाय  
खावलायाव थरसे समायना सबाय बिमा  
बेनो फोरमान होयो आंनो  
अनसुली गोथार गोसोनि फोथायसुली।  
लोगो मोनफिन्नाय बिसमुरि बाजाराव  
सान्दोंमोन आं नोंजों रायज्जानाय  
बादा होयो मानोबा गोसोआ  
गोबोंआव थाफिनो खुगानि राव।  
लुनो जुरिना होबाय नों  
आंनि गोबोंआव गंसे समायना मन्दिर।

मुश्री अमर बसुमतारी  
ला:सो:-हलथुगाव  
जिला:-क'कराझार बि टि सि आसाय

## नों गैयाब्लाबो आं नोंनि सेरावनो दं

नों गैयाब्लाबो आं दाबो  
नोंनि सेरावनो दं  
नों जेराव दं आंबो  
बेयावनो दं,मानोना  
गोरबोआ आंनि  
एखुथा नंआ।

मोगथांआव फैयाब्लाबो  
सिमांआव नों फैयो,  
सेराव थानानै रायज्जालयफैयाब्लाबो  
सिमां मोगथां नों रायदावफैयो।

नोंनि इंखं मोनाब्लाबो  
नोंनि मुंआनो आंनो ?  
इंखं फोसावो, बेजोंनो  
बारहोयो आं बुब्लिफोरखौ।

नों जेसेरिखि गोजानाव  
थाया मानो आं नोंनि  
सेरावनो दं,  
नों जेसेरिखि गोजानाव  
थाना बावगारा मानो  
आं नोंनि खाथिसिनसो  
साफिगोन।

नों अखोरं जायोब्ला  
आं थरसे हाथरिखि जागोन,  
नोंनि खोमसि अखोरंखौ  
आं सोरं होना समायनासिन  
खालामगोन।

बिनिखायनो, नों गैयाब्लाबो  
आं दाबो नोंनि सेरावनो दं  
मानोना गोरबोआ आंनि  
एखुथा नंआ।

निरन दैमारी  
नदुवार, बिस्नावथ

## जिउनि फैमाल

सोरबाया रोंग'थि लानानै  
सोरबाया रोडेखौ लानानै  
गोरान बरजों।  
सारा मुलुगनि निहोरा रनेयावबो  
दुखु दाहानि बालाया रानखाव लांबाय।  
गोजौ जौमैनि हांखाय नायाव  
खाफालनि रिफिनाया  
बेनिफ्रायनो दिंघ्रायनांबाय।  
सिमांबायदि जाबाय वे जिउआ  
गोरान बिलाय बायदि सिबथिं जाबाय  
सोरनिबा खाफालाव देरहानायनि अखाफोर गावदां-दां  
सोरनिबा खाफालाव जेन्नाय आरो रोडेनि लैथो हाब्रां  
सोरंथौ-हरथौ गोदान नखोरंखौ नागिरनानै,  
गोदान जायखर्तनि सायायाव  
गोजोन सुदेम बारजों।

मुश्री फनि महन झरुलारि  
गोजौ जामबुगुरि हाई स्कुल  
जिल्ला:-कक्राझार, (बि.टि.सि.)

# रंजालि गथ'फोरनि सौरा

## सोरजिनि गुमुर

बिमावाव मुजि हाबनायानो  
जिउनि रंजानाय ख'राग,  
हां लानायाबो जिवारि फोरनि  
सावस्त्रिनि मोनसे गहाम आदार।  
जिउनि मोन्थाइआनो जोनोम मोन्थाइ  
थाना थानायनि सिमाडव  
जिवारिफोरा आदार जानाडे,  
बियो नुआथारि गोहोनिफ्राय  
जिवारिनि मोनसे सोरजिलुनि गुमुर।  
गोसोखौ सोदांनो हायोब्ला  
हालुराव जोंथिसार जानो हागोन,  
रंजालु मुस्त्रिआव मुजिहाबोब्ला !  
मिथिंगानि बिबार मोदोमफुनायाव  
बिखाजों बोहे लांगोन  
सुबुंनि अनफावरु देखो।  
जिउनि दावहायाव  
मेंनो रोडेजावलिआ दावहारु  
मोना जेबो गुमुर,  
न'नि फिसिनाय सैमायाबो  
खर'सुबाव जाजासे रोनावो।  
बियो समानथाय इंखं जिउमानि  
अखोराडव खामो फागुनि अर,  
सुहाबनाय निहिराव दावबायना  
थोर थोर बिख्लो मावगलुंनयखौ  
दुंबुर अर सायनानै  
समायना मुस्त्रिआव गब'हाबना  
सोलेरनि गोजानायखौ होखारो।  
बुब्लि आरो बोथोरखौ गनायना  
आरोरा बिफाड लाखोमायो  
गावनि खिलि खानाय महर,  
गनाय नांगोन गाहाइ जिउमानि  
सोरजिनाय बायबोरोन्देनि गुमुर।

पबित्र ब्रत दैमारी  
ग'लाघाट

## दाहा

ओइ लाजि रोडेबुलुबुथुर  
मेंनो रोडेनोंनि बिग्रायखानाय  
गोसो दुंहाव खालामनाय  
नोंनि बिबुंथि होनाया,  
आरो अराय खौसेथि जानायनि  
रादाय लायाखैमोन ना-समाय खिरा ?  
बडलेन्ड मोननो सिमान जाहोनाव  
नोंनि गोहोआ बबाव गोमाखो ?  
गोसो खाडेना  
आलादा हादोर दाबिनि  
सोमावसारनो जुरिजेननाय बाश्राखौ ?  
खेबसे नख खेबनै --  
खेबथाम गहाम जालानाय गोरोबथाखौ ?  
गोनांथि महरै खाबु संदाना  
गोरोबथानि फारिलाइ फोरखौ  
गोनो गोथो जाना मानो गोबाव खालामखो ?  
खायथ्लारि सोलोन जेयाव  
जोहोलाव लाइमोन फोरखौ मुंख्वं जाहोना  
हादि खालामबाय बडु बिमानि  
जोबनो गैयै हाबिला।  
आमथेखा, गहपुराव उखुन्दै सुफुंनो  
सुबुंनि गोथां थैनि आवेर गेलेना  
जारिभिनाव सोमखे दाखोन फोनांबाय,  
आरो जोनोम बिमानि आथिंखौ  
गुदुं थैजों सुस्ता होबाय।  
हागोनना होफिननो रान्दिनि खाफालाव  
गोजा गाबनि सिन्दुर आरोबाव ?  
हागोनना फिदिं फिननो  
रानज्जय लांनय मुंख्वंनि  
गोथाडेबिखा मावहो फिननो ?  
नंखाय नोंनि रानज्जिं लांनय  
बिलाइनि खैसिंसिं मिनिनाया -  
नोंनि अराय खौसेथि जानो लानाय खिराया,  
बिनिखायनो गले गले सोंखारि जादों  
नोंनि थाबायनाय लामा गेजेराव।  
फोलाव हर-आखाइ थाइनेखौ  
गोजोन बारनि नेसॉन जानानै  
उराय होनो गुफुर फारेउखौ,  
सोरगिदिं खौसेथिनि दैमु दैया  
जुगामियै आलो गोजोनै बोहै लांथों।

पबित्र ब्रत दैमारी  
ग'लाघाट

## दोगोन गोहोमा

संसारि मानसिफोरा  
नंगो नख बुंखायो  
बेयाव सोनारोगोन नोंनि  
दोगोन गोहोमा

पैदोम बर', बाक्सा

## गोथारसिनमोन

नागिरना मोना  
सानसनबो मोना  
मा मुं दोनगौमोन  
बै जोंनि मोनसे  
आमथा आमथा  
गोरोबफलेनायखौ।  
बयनिखुडुबो गोथौ  
बयनिखुडुबो गोथार  
अन्थाइनिखुडुबो  
गोरासिनथारमोन  
नोंखौ गोबोंजों  
आंनि गोसो थोनाया।  
नाथाय दा हारसिनो  
दुखुथिया बाबिनि  
बिगोमा जाबाय आं।  
समनि बेसेन गैया  
अननायनि सिमा गैया  
बावगारनो गोहो गैया  
गासै बुब्लिखौ आं  
नोंनो बावसोदोंमोन  
नाथाय दा फेलेंनिसो  
गाब गाबाय हारसिनो।  
निजोम मोनाबिलि  
बे समा आंखौ दाबो  
हमथा हायै सोगाबो  
मानोना बे समाव नो  
नों आंखौ राव होजेनाय।  
नों गुबुनि जाबाय  
बेयाव आं गाबाखै  
नों आंखौ थगायबाय  
बेयाव आं बोराबाखै  
नों आंखौ हास्थायो  
बेयाव आं हेंथा गैया  
नाथाय नाथाय बै मोनसे  
नों होनाय मुंखौ माबोरै  
बावगारगोन बेखौसो  
सानना गाबो आं सना।  
नों सुखुवाव था जेरैबो  
नों संसार जा खुसिहै  
नों था हाखुमा हाखुमा  
नों मुगै आंखौ गोसोजों  
नों था गोजान गोजान  
थेवबो आं नोंनि अराय  
सायखं जाना थागोन  
नोंनि गोथां सोलेरनि  
उन उन खारफानाबाबो।

सोमखोर दैमारी  
अदालगुरि

## सिमां

गोनां थावनि सिम  
सहैनो नांगौ जादों  
गंसे जांखला...  
थानानै थानो  
उदासि दरखं  
माख्राजे सोनाय  
जेब्लाबो जेब्ला...  
आंखौ सिरि  
मोनहोनाय समाव  
दाबो मुलुगनि  
मोनसे गोदान  
आगान हालदिंगासे  
बिबांनि सिमां  
नुदोंमोन बिदिब्ला...  
जिउ फैसालि  
आन्दोआव नायगिर  
थफला से मिजिं  
आबुं सिनायथि  
आबुं सोमोन्दो  
गोदान मुगानि  
गोदान दिन्थिग्रा  
अह'!! सिमां, सिमां.....

इउनसा बर'  
अदालगुरि

## आलायअरण महर

खाफालनि गोजा सिन्दुर  
हुखोमोर जानायनि  
बरादखौ सोर आबुं  
आलायअरण महर होयो! ?


सबिराम बर'  
राबां, बागसा



# रसियाआ गुगलनि सायाव सानस'नो हार्ये 2.5 डेसिलियन डलार जरिमाना फोनादों

गोदान दिल्ली, 1 नभेम्बर:

रसिया आरु गुगलनि गेजेराव सोलिबाय थानाय जे'नाया मुलुगनाडै सावरायजादों। रसियाआ 2022 निफ्रायनो मोननै आयदायाव एबा फारनैथिं दावहानादों। इउक्रेनजों थोंजों दावहानागासिनो आरु आमेरिकाजों संखान्थियारि दावहा सोलिगासिनो दड। इउक्रेनजों दावहा जागायनारयनि उननिफ्राय आमेरिकाआ रसियानि सायाव मोनसेनि उनाव मोनसे होबथानाय जाबसिन्नाहें होदों। नाथाय बे खेबआव आमेरिकाआ नडा



रसियाआ गंसे आमेरिकान कम्पनीनि सायाव गिदिर जुरिमाना जाबसिन्दों। आमेरिकानि बयनिखुइबो देरसिन कम्पनीफोरनि गेजेराव थाफानायट मुंदाखा गुगलनि

सायाव रसियाआ गिदिर जुरिमाना जाबसिन्दों, जेसेबा राडा गासै बुहुमावनो गैया जानागौ। रसियानि कर्टआ गुगलनाव दाबि खालामनाय रंआ गासै मुलुगआवनो गैया

हुंदा मोननै, बे एकाउन्टआ होबथानाय आइन आरु फालांगियारि नेमखान्थिफोरखौ सिमफायदों। बेनि उनाव मस्क' कर्टआ बिथोन होना बुंदोंदि, गुगलआ बै सेनेलफोरनि एकाउन्टखौ हगारनानै होनागौ आरु बे बिथोनखौ मानियाब्ला 10000 रुबल सानसेयारि जुरिमाना फोनानारयनि खान्थि जाबसिन्नाय जायो। 2022 आव रसिया-इउक्रेन दावहा जानायनिफ्राय बे केसआ गोब्राबसिन जायो। इउक्रेनआ रसियानि गुबुन सरकारि मिडिया सेनेलफोर जैरै एनटिभि, रसिया 24, आरटि आरु स्पुतनिकनि एकाउन्टखौबो बन्द खालामदों। जायजों रसियानि मोन 17 टिभि सेनेलफोर गुगलनि हेंथायै केस थिसनो। बे फिनजाथायव जुरिमाना बिबाख सानफ्रेमबो बारयलानो हमो।

## इजराइलआव गिदिर गाग्लोबनारयनि इरानआ थियारि खालामदों



तेल अविब, 1 नभेम्बर: मिडिल इस्टआव नुजाथिनाय जे'नाया दावहानि महराव सोलायलांगासिनो। गिबियाव इरानआ इजराइलआव गाग्लोबो आरु इजराइलआव फिनजाथाय होना गाग्लोबफिनो। बे समावनो मोनसे संगालि खौरंआ सोराइव फेदों, जेराव मिबथिनो मोनोदि, इजराइलनि संगालिया फेनो गोनां

सानफोराव इरानआ इजराइलआव गाग्लोबनारयनि गोखों थियारि खालामगासिनो होन्ना फोरमायदों। एक्सिसआ बृहस्पतिबाराव सानै इजराइलनि सुलुंनि गथायनाय खौरंजों बेनि रिपर्ट होयो। रिपर्टआव बुडोदि, फेगौ 5 नभेम्बरआव आमेरिकानि हादतगिरि बिसायख थिनि

सिगां गाग्लोबगोन। गोबां डून आरु बेलिस्टिक मिसाइल बाहायना इयननि जायखि जाया ओन्सोलनिफ्राय इजराइलआव गाग्लोबहसो हागौ। रिपर्टआव बुंवावदोंदि, इराकआव इराननि हेफाजाबगिरि मिलिशियानि जोहै गाग्लोबनाया तेहराननि गेजेरजों इरानआव सोलोखान्थियारि थान्थिफोरनि

हेंथायै मोनसेबाव इजराइलनि गाग्लोबनारयनिफ्राय बारग'नो नाजानाय जानो हागौ। मख'जाथावदि, सिमनाजों नांजाबनाय सहर मेटुलानि साखाथियाव बृहस्पतिबार फुंआव गाग्लोबनाय जाथाय नुनो मोनो, जेराव हिजबुल्लाया लेबानननिफ्राय मोनसे रकेट गावहरो जाय मोनसे आपेल बागानआव गोलेहैयो आरु सानै सुबुंफोरनि जिउ गोमायो। यइम्स अफ इजराइलनि रिपर्टआव

**GOVERNMENT OF ASSAM**  
**OFFICE OF THE DIRECTOR, A.H. & VETERINARY DEPARTMENT, B.T.C., KOKRAJHAR**  
**NOTICE INVITING FOR QUOTATION**

Separate sealed quotations affixing non-refundable Court fee of Rs. 8.25 (Rupees eight and Twenty five paise) only are invited from the interested Manufacturers / Dealers / Company Authorized Firms / Tractors in separate covers for each group the supply of the below mentioned groups of Vety. Medicines, Vaccines & etc. to the office of the Director, A.H. & Vety. Deptt., B.T.C, Kokrajhar for the Financial Year 2024-25.

Group	Name of Item	Remarks
A	Antibiotic (Parenteral Oral, Topical) Antiseptic Ointment and Spray etc.	Detailed lists of medicines and A. A. amount against each group may be collected from the office of the undersigned during office hours up to 12.00 noon on 08-11-2024
B	Analgesic, Antipyretic, Antihistamine, Glucocorticoids/ Steroids, Sedative, Hormones, Intrauterine, Intramammary Infusious & Probiotic etc	
C	Anthelmintic, Antiprotozoal, Ectoparasiticide etc.	
D	Antidiarrheal, Antitussive, Antibloat etc	
E	Stomachic, Rumenotonic, Liver Stimulant, Digestive etc.	
F	Vitamins, Mineral, Feed Supplements, Galactagogue etc.	
G	Non-patent drugs such as Boric Acid, Potassium Permanganate, Zinc Oxide, Magnesium Sulphate Powder, Oil Turpentine etc.	
H	Vaccines for Livestock	

- The bidder should enclose the following documents with their bid with self attested.**
- Bid Cost (Non-Refundable) of Rs. 1,000/- for each group in the form of Demand Draft duly pledged in favour of **The Principal Secretary, BTC, Kokrajhar with Quotation.**
  - Bid Security/Earnest Money (Refundable) @ 1% for ST/SC/OC and @2% for Gen/other Caste of A. A. amount for each group in the form of Call Deposit/NSC/Demand Draft duly pledged in favour of **"The Director, A. H. & Veterinary Department, BTC, Kokrajhar"**.
  - Copy of Trade License with up-to-date validity.
  - Drug License with up-to-date validity.
  - Copy of GST Registration Certificate.
  - Copy of PAN Card
  - Income Tax Clearance Certificate.
- The quotations will be received at the Office of the undersigned up to 1.00 P.M of 08-11-2024 and will be opened at 1.30 P.M. of the same day. In case, last date of receipt is happened to be a non-working day for any reason, the next working day will be considered as the date for submission of Quotations and opening thereof. The bidders or their representatives may remain present at the time of opening of the quotations.

**Terms & Conditions**

- Rate should be quoted for 1(One) Unit as per required presentation of each item.
- The Quoted Rate should not exceed the MRP of the particular item (wherever applicable) and should be quoted legibly both in **Figure and Word.**
- The rate should be quoted including GST.
- To facilitate prompt evaluation, the bidder shall quote rate as per format of quotation attached.**
- The bidder shall supply the goods with expiry date not shorter than 1 (One) year from the date of supply of medicines.
- The purchaser is not bound to procure all the items even it is in the approved list.
- The medicines thus to be supplied should be of full quantity as per order otherwise short supplied items will not be received.
- All the items should be supplied within **30(Thirty) days** from the date of issue of supply order.
- The decision of the Director, A. H. & Veterinary Department, BTC, Kokrajhar/BTC Secretariat shall be the final in case of any dispute.
- The selected bidders will have to execute a Bond with this Department before the issue of formal
- Medicine etc. thus to be supplied should be placed before the checking committee of this Department for acceptance thereby by the Department.

Sd/-  
(Dr. J. P. Das)  
Director,  
A.H. & Vety. Deptt..BTC. Kokrajhar  
Memo No: DV/BTC/VETY/D-10/2024-25/861/  
Dated Kokrajhar the 30<sup>th</sup> October/2024

# स्पेनआव गिखंथाव दै बानाजों सा 150 नि बांसिन सुबुंनि जिउ खहा

भेलेन्सिया, 1 नभेम्बर:

आथिखालाव स्पेनआ सिलिंखार खालामलांग्रा दै बानाजों मोगा-मोगि जानादों। जेराव थैनायफोरनि अन्जिमाया सा 150 निबो बांसिन जाहैबाय। सिपेनएननि मोनसे रिपर्टनि बायदिब्ला, थानाय मंगलबारआव फेनाय गिखंथाव बारहुंखाजों स्पेनआव थैनायफोरनि अन्जिमाया 150 नि बां सिन जाबाय। भेलेन्सियाआव थानाय 28 बोसोरनि गेजेराव बयनिखुइबो बां सिन अखा हादों। बेनि जाहोनाव भेलेन्सियानि थागिबिफोरा सोरबाया बेसमेन्ट आरु गाहाइथारनि थालायाव राहा गोथेना थायो। रिपर्टनि बायदिब्ला, भेलेन्सियाआवनो बांसिन सुबुंफोरनि जिउ गोमादों। बेयो भुमध्य लैथो बोरिमायाव



दड आरु बेयाव 50 लाख सुबुंफोर थायो। अखा हानाय आरु दै बानानि जाहोनाव रेल, फरायसालि, मिउजियाम, पब्लिक लाइब्रेरि बायदिफोरखौ बन्द खालामथनाय जायो। स्पेननि गाहाइ मन्थि पेडु सांचेजआ दै बानाजों भुगिनांनारयफोरखौ मदत होनो सरकारा हागोमानि नाजागोन होन्ना थांखि फोसावो। लोगोसेनो बिथाख सुबुंफोरखौ सांग्राडै थानो खालायो।

एक्सआव मोनसे परट शेयार खालामनानै गाहाइ मन्थिआ बयखौबो इमारजेन्सि सिबिथाइफोरनि थाखाय आर'ज गाबनायखौ नोजोर होनो थिनो। राहा गोथेनानै थानाय सुबुंफोरखौ रैखाथि जायागाफोराव लांनो थाखाय हेलिकप्टारफोरखौ बाहायनाय जादों। भेलेन्सियानि सहर इउटिएलनि मेयर रिक्टड गेबल्लनआ बुडोदि, बेदै बानाया गावनि जिउनि गिखंथावसिन आरु जोबोर गात्रि सानमोन।

## साहिदाबादनि जुटा गलायाव गिथावना अर खामदों

साहिदाबाद, 1 नभेम्बर :

दिवालीनि समाव बृहस्पतिबारखालि इन्डियपुरम कतवाली ओन्सोलनि सिंआव थानाय ज्ञान खन्ड 1 मुंनि जुटानि गलायाव अर खामदों। दिनै गलानि गोजौनि मोनै प्लेटसिम सौहैदों। अर लुखोमोरगा हान्जाफोरा बे समावनो एबा खबुआवनो सौहैनै सुबुंफोरखौ रैखाथियै बायजोआव दिहुनो। फारसेथिं, राजेन्द्र नोगोर औद्योगिक ओन्सोल, कृचिं रिपब्लिक, सास्त्रि नगर, लनि चपड्डा मन्दिनि साखाथियाव थानाय माखासे जायगाफोरवबो



अरआ नादों। गासिबो जायगायावनो थानानै अर लुखोमोरगा हान्जाफोरा अरखौ लुखोमोरहैदों। अरजों रावनिबो जिउ ख'हा जानायखौ नुनो मोन्नाय जायाखै। अर लुखोमोरगानि गाहाइ

बिबानगिरि राहुल पालआ मि ब थि हो यो दि, बृहस्पतिबारखालि हरनि 9 रिंगासोयाव फायार स्टेसन भैशालियाव खौरं मोनोदि, इन्डियपुरम कतवालि ओन्सोलनि सिंआव थानाय ज्ञान खन्ड 1

नि मोनसे बिर्लिड'आव अर खामदों। खौरं मोन्नाय लोगो लोगोनो बेवहाय गं 5 अर लुखोमोरगा गारिफोरखौ लानानै थि समावनो सौहैयो। अरआ नै थाला बिर्लिड'आव जुटानि स्वरुमआव नांदोंमोन। प्लेट गोजौआव सुबुंफोरा राहा गोथेनानै दडमोन। अर लुखोमोरगा हान्जाफोरा साफ्रोमखोबो रैखाथियै बायजोआव दिहुनो आरु अर लुखोमोरनाय खामानिखौ जागायो। अरजों जुटा स्वरुमआ गासिबो खामजोबो।

## सुंद'सल' रनजय नारजारी

बिसमुरिनि साहा 3 कि:मि:गोजानसोआव मोनसे फिसा समायना गामि दं। बे करफाफारा। गोदोनि आबै आबोमोननि खुगानिफ्राय खोनानाय बादिब्ला बे गामिआव गोदो बारा नखर गैयामोननो। गंनै गंवा नखर दंमोन। बेनिफ्राय बे गामिनि मुडा करफाफारा जादोंमोन। मानि गोबां मानसिफोरा बुडोमोननो करफा करफि जायगा बे गामिनि मुंखौ बे गामिनि मुंखौ करफारा दोननांगौ होननायलाय दा करफाफारा जाबाय। बे गामिनिनो सासे जागाबा मुं दंमोनलाय। मुडाबो जाम्बा मानिआबो जाम्बाखा। बेनि थार जाथायखौनो आं ससे रायजो राजानो खिन्थानो। जाथाया ओरै गोदो बिसमुरि बासबारि एबा उन्दुगामिनिफ्राय गोबां हौवा हिनजाव मै जानो थाडोमोन। बे मै जाहैनानयिनो मोनसे जाथाय। करफाफारा गामिनिफ्राय गोबां हौवाफ्रा बोसोर गोदाननि (बैसागुनि)मै जानो थानों। जाम्बायाबो फुं आद्रा आद्रिआवनो मै जानो ओंखारफादों। गाव गावनि जानागौ जोमनांगौ मुवाफोरखौ लानानै गासैबो रायजो राजाया गासैबो ओंखार लांबाय सिखोना जाहारआव मै जानो। नाथाय मै जाग्र मानसिफामाब्लाबो सिखोना जोहोलावनि थानसालिजों थाडोब्ला मै जानो थान्थिबो मैखौ मोना। आरु जेआव

## जामबानि आखु

नांबाबो ओरैनो गयो आरु 'बदार बे'गा सिलायजों गावबाबो नांबाबो थैया। मानिगुलि नांजानानै थै रनारनि गनाय मुफुराबो थैया,सं दानब्लाबो मोना। दासिमबो बिदिनो बे जायगायाव मै अमा मोना। मानसिफ्रा दासिमबो बे जायगायावखेराय फु जा हँबाय थायो। बेवहायनो जाम्बाया मोनसे रागा जौनायाव मिनिथावा जाथाय जादों। जेखौ सोरगिदिं सौनानै बयबो सेर सेर सिखा जं बोरला फाथिना मैया बोरै खारबोगोन गावहबा गाव रिदि जाखानाय दं। मेगननि नोजोरा फेसानि नोजोर। जाम्बायानो संआव हाबदों। हारसिडै राव गैया भावगैया खेम खाम गोमलायनाय दानबोबाय। ओजों सासे जायबा गावबुरा मुंनि मानसिआ मै नंनानै बोरलाजोम फ्राद गावनायसै सोदोब फेनायथिंडै ओजों जाम्बाआ थिर नांजानानै बावदावनानै जाबाय जाबाय आथिआवनो होनगासिनो दं। ओजों माखासे मानसिफ्रा जाम्बानि रवखौ खोनानै बयबो नांबायनो, मोनबायनो होननानै रंजानायसै दावराव जाखांथारनायसै। बयबो बेसे गिदिर मैना अमा होनना खारबोनायसै। खारबोना खाथिआव थाफेना नुबाय जाम्बानि आदेअवसो बोरला थिर गंसे हाबना थै रनारनि गगासिनो दं। बयबो नुफेना

सोरबा गलाब गलाब मिनिबाय,सोरबा सोरबा जाम्बाखौ आबाद खालामबाय नायना गावबुराया बयनिबो सिगांआव बुंनारसै,आंसो मै नंनना चाव -चाव सोदोब फे नायखाय, माथो जाम्बासोलाय होन्ना बेबो उदैबिगुर सालायनाय मिनिबाय। जाम्बाखौ सासे साइखेलजों नारनानै लाबोबाय गावसोर बादा थानायाव। जाम्बाजों लोगोसे ओंखाम संनो फे फाबाय गोबां मानसिआनो मै होनो 7 नं हाग्राय थांबाय। जाम्बाया साइखेल सायावनो नोगोर हासुनो ओंखार खांदोंमोन। उनाव बादो मोनफेनानै हासुनो जस्लंनारसै खुसेग्रा खुरनाय गुदुंडाव। जाम्बाया जेरावखि थाडु गाव हासुनो ओंखारबा गुदुं नागोरखायोमोन। मानि गुदुंडाव हासुसनो जोबोर मोजों मोनोनो। बिदि जस्लंनानै मोनसे गुदुंआव हासुबाय थानायसै। लोमोग्रा मा जाखो मा जाखो होनना सौनायसै। गावबा गाव हासुनायनि जाथायखौ लोमोगोरनो खिन्थाजोबनायसै बयबो गोबां मिनिनायसै। आ नायै बयबो मै जाग्रा गोजा उलथापानि फासं थानायसै। थांखिआ गारि गाखोनाय न'आव फेनाय। हरना गुरना फेनाय बयबो जोबोर ओंखाम उखैनारसै। सासे मानसिआ ओंखाम उखैनारखौ सहायनो हायनि जाम्बाखौ बुंनारसै थां जाम्बा बै द'खानाव रति दंन गैया

सौहैथां जाम्बाया थानायसै सौनो। दकानदारा नेपालि बुरिमोन। जाम्बाआ थानानै नेपालि बुरिखौ बुहैनारसै दकानदार रुति आसे? नेपालि बुरिआ गावनि रावजों बुंनारसै स' (ब'रावआव दं होननाय जायो) बुंनारसै जाम्बाआ बुजिबाय मा गोलैजोबबाय। स' होननाय खोनानाय लोगो लोगो गावबा गावनि लोगोजों फेना खिन्था फेबाय गैयानो दहायनो स' गोलैजोबयनो होन्ना। बेबो नंगौ सानबाय। दानिआ मा जाखो आसाम बन्धनि गारि गैया बयबो उलतापानिनिफ्राय थाबाय जोबबाय। थाबायै थाबायै 7 नं हाग्रा हाजोखो मोनफेबाय। मेंबाय, दै, गांबाय सरगाव जिरायबाय। हाग्रायाव सासे नेपालि लावखारा मोसौ गुमगासिनो दंमोन। थायबा गावबुराआ जाम्बाखौ गारि दंन गैया सौहैनो थिननायसै। बेबो थानानै सौनायसै। यै दाजु गारि कयदिन गगेग हो गारि कयदि गगेग होनना सौनायसै। नेपालि लावखारा आन्दायना बुजियैनि म' जानडाइना बुंनारसै। जाम्बानिब्ला गारिआ सानबैसे बन्ध होनना बुंनार जादोंनो नेपालिनि रावयै बयबो जाम्बानि जाउलिआ बावलिआ रावखौ खोनानै मनिजोबनायसै। सोरबा सोरबा उदै बिगुर सानानै उन्दुनायसै सरक सायवनो। 9 बाजिआवसो ओंखाम उखैहाव दै गांहाव जाम्बानि जाथायखौ मिनिनै मिनिनै सफे दोंमोन गामिआव।



# आमसुनि भकुवामारि आन्सलिक आफाद दादौं



**भवानिपुर, 1 नभेम्बर:** दुलाराय आसाम माइन्सिफ्ट फरायसा आफाद सुंदरै आमसुनि भकु वामारि आन्सलिक आफादनि बोसोरारि सरसनस्ना मेलखौ बृहस्पतिबारखालि सालबारि महकुमानि सिडवि थायाय सा भकुवामारि गुदि फरायसालियाव खुंनया जादौं। आमसुनि भकु वामारि आन्सलिक आफादनि आफादगिरि गहेर आलिनि आफादगिरि मासि

सामलायनायाव खुंनया सरसनस्ना मेलयाव आमसुनि मिरु आफादारि नेहाथारि साइपुल इस्लाम खान, बाक्सा जिल्ला आफादनि आफादगिरि आब्दुल रहिम, ले डाइ आफादगिरि सामसुल हक, गाहाइ नेहाथारि सानै साहादत हुसेन, नुर नबि, लोगो नेहाथारि आशुर उद्दिन, मन्जिरुल हक, फोसावदि नेहाथारि मानिक आलि, काताझार हाथाय आन्सलिक आफादनि

आफादगिरि बाहारुल इस्लाममोनहा आलासि महरै बाहागो लाफैनाई आमसुनि आफादारि बिथिनि सायाव बिबुंथि लाखिदौं। मख 'नो गोनांदि, सरसनस्ना मेलयाव गहेर आलिखौ आफादगिरि, आबजाल हक आरो रुफिकुल इस्लामखौ गाहाइ नेहाथारि महरै लाना सा 41 सोद्रोमानि आमसुनि भकु वामारि आन्सलिक आफादखौ गोदानै दनाय जादौं।

( 1 बिलाड़निफ्राय )

## एबसुनि गाइसनगिबि आफादगिरि मुगानि आगदारि बानेस्वर बसुमतारिनि 82थि जोनोम सान फालिदौं

कक्लाबारि गेजेर फरायसालि, चौधुरीपारायाव मेहेर गोनाडै खुंनुनाय जायो। फुबिलिनि हाबाफारि बायदियै आर 'ज जागायखानायनि उनाव आफादनि फिर्फिलाखौ बिरहोयो दुलाराय बर' फरायसा आफादनि आफादगिरि दिपेन बर' बिथाइ। मुगानि आगदारि बानेस्वर बसुमतारिनि सावगारियाव विबार बाउजेनो बिथानिनो आंगो अनजालि बिसि फुलेश्वरी स्वर्गियारिआ। मुगानि आगदारि बानेस्वर बसुमतारिनि गोसोखां गेटखौ बेखेवनानै होयो आसामनि केबिनेट मन्थि उखाव गोरा ब्रह्मआ। जारिमिनारि बे हाबाफारिजौं लोब्बा लाखिनानै दुलाराय बर' फरायसा आफादनि आफादगिरि दिपेन बर' बिथानि मासि सामलायनाय गेवलां सावराय मेलखौ बेखेवनानै होयो आसामनि केबिनेट मन्थि उखाव गोरा ब्रह्मआ। गेवलां सावराय मेलआव आलासि बिथामोनहा बर' हरिनि थाखाय मुगानि आगदारि बानेस्वर बसुमतारिआ होलांनया बिहोमाफोरनि सायाव गुवारे बिबुंथि लाखियो। एबसुनि आफादगिरि दिपेन बर'आबो गावनि बिबुंथिनि गेजेरजौं मुगानि आगदारि बानेस्वर बसुमतारिनि गोखौं मेलेमजौं दैदेनबोजानाय एबसुआ हरिनि थाखायनो अरायबो खामानि मावलांगोन होनानै फोरमायो। दिनेनि जोनोम सान फालिनाय हाबाफारियाव गाहाइ आलासि महरै बाहागो लायो बर' थुनलाइ आफादनि आफादगिरि ७ सुरथ नाज्जिरिआ। जर 'खा हांखायजानाय आलासि महरै बाहागो लायो एबसुनि बारग' आफादगिरि, बि.टि.सि. सि.एस.बि.नि मासिगिरि ७ दिपक बसुमतारि, बर' थुनलाइ आफादनि बारग' नेहाथारि उपेन देउरि बिथामोनो बाहागो लायो। हाबाफारियावनो मिरु एबसुनि बिबानगिरि बिथामोनो बाहागो लानायजौं लोगोसे माननि आलासि महरै बि.टि.आर. नि एम.सि.एल.ए. मन्तु बर', के.सि. फरायसालिमानि गोरायुं जोख्नां बर', फोरोंगिरिफोर, राइजो-राजाफोर आरो फरायसाफोरनि मैखोमे बाहागो लानायजौं हाबाफारिया मोजाडैनो जौबलाडो।

## 67 थि तामुलपुर दखरा रास फोर्बोनि गाहाइ खुन्थिया गायसन्दौं

हाबाफारिनि गेजेरजौं गाहाइ खुन्थिया गायसन्नाइ होयो रायदाव आफादनि मावफुं आफादगिरि ब्रजेन्द्र नाथ डेकाआ। गाहाइ खुन्थिया गायसन्नायाव हेफाजाब होयो ओन्सोलारि आफादनि आफादगिरि गिरिश चन्द्र महन्तजौं लोगोसे रायदाव आफादनि बिबानगिरि-सोद्रोमाफोर। रायदाव आफादनि गाहाइ नेहाथारि दमन पाटवारीआ मिथिहोनाय बादिब्ला रास फोर्बोजौं लोब्बा लाखिनानै भाउना, नागारा नाम, खुगो मेखाइ, भुपेन्द्र संगित, सत्रीय मोसानाय, हारसिं गोदान मुगारियारि मोसानायजौं लोगोसे दिहा नामनि बादायलायनाय हाबाफारि आरो हारिसु मोनाबिलि खुंनया जागोन। रास फोर्बोनि गासैबो हाबाफारियाव राइजो-राजाफोर मदद-हेफाजाब होगोन होनानै रायदाव आफादनि आफादगिरि जलेन दैमारी आरो गाहाइ नेहाथारि दमन पाटवारीआ मिजिथिनाय फोरमायदौं।

## तामुलपुरआव आसाम गामियारि मुलि फालांगि आफादनि 8 थि बोसोरारि गायसन्थाय सान फालिदौं

फालांगि आफादनि तामुलपुर जिल्ला आफादनि आफादगिरि मनिकुमार अधिकारिआ। हे हाबाफारियाव बाहागो लायो दुलाराइ आसाम गामियारि मुलि फालांगि आफादनि तामुलपुर जिल्ला आफादनि मावफुं आफादगिरि आनन्द रामसियारि, दुलाराइ आसाम गामियारि मुलि फालांगि आफादनि मिरुनि लोगो नेहाथारि उपेन राभा, तामुलपुर जिल्ला आफादनि गाहाइ नेहाथारि कानु मुर्मु, खैरानि ओन्सोलनि गागि समाज सिबियारि आरो मारियामपुर गुदि फरायसालिनि आजिरा मोन्नाय गाहाइ फोरोंगिरिकनाथ उपाध्याय, खैरानि ओन्सोलनि गागि समाज सिबियारि दुर्गा प्रसाद दाहाल, कृष्ण प्रसाद दाहाल, भिम गडतला, आसाम नेपालि साहित्याय सभा तामुलपुर जिल्ला आफादनि लोगो नेहाथारि आरो लाइमोन खौरंगिरि सुमन गडतलाजौं लोगोसे ओन्सोलनि गागि सुबुंफोर बाहागो लायो। हे हाबाफारियाव हांखायजानाय आलासिफोरखौ बरायनाय जायो।

## बाक्साआव थाखो खथायाव 7 थाखो फरायसुलिखौ आथोनारि गाग्लोबदौं

गाग्लोबनारनि अजदजौं फोरोंगिरि लिलाधर पाठकखौ पुलिसआ खादौं। बे जाथाया सोमजिदौं बाक्सा जिल्लानि बगलामारि दखर गोजौं फरायसालियाव। फरायसालिनि 7 थाखोनि सानै फरायसुलिखौ गात्रि इसरा होनायजौं लोगोसे आथोनारि गाग्लोबदौं लम्पत फोरोंगिरिआ। फरायसुलि सानैया बिमा-बिफानि सिगाडव गासैबो बाश्राखौ फोरमायनायाव बे जाथाया सोराड फेयो। उनाव नख 'रनि सुबुंफोर ओन्सोलनि बरबरि पुलिस जाथाया जाथायनि सोमोन्दै लम्पत फोरोंगिरिनि हँथायै एजाहार थिसन्नायाव एजाहारनि बिथायाव बाक्सानि बरबरि पुलिसआ नलबारिनि मुकालमुवा पुलिसनि हेफाजाबव दोलासालनि गावनि न'निफ्राय थानाय 30 नभेम्बरखालि हरनि समाव लम्पत फोरोंगिरि लिलाधर पाठकखौ बरबरि पुलिसआ खायो। गोलाव समनिफ्रायनो बे लम्पत फोरोंगिरिया उन्दै-उन्दै फरायसुलिफोरखौ गात्रि इसरा होबोदौंमोन। भुगिनांनया सानै फरायसुलिनि दिथागिरिया फोरोंगिरिनो आइन्आरि गोखौं साजा होनायजौं लोगोसे बे फरायसालिनिफ्राय होखारहरनो दाबि दैखादौं। बे फोरोंगिरिनि थाखाय उन्दै-उन्दै फरायसुलिफोर फरायसालियाव थानो गिखादौंमोन। जोबथेसालिनिफ्राय ग'खानायनि उनाव बे फोरोंगिरिया फिन बे फरायसालियाव हाबफैफिनोब्ला अब्ला दिथागिरिफोर गाव-गावनि गथ'साफोरखौ गुबुन फरायसालियाव थिसनहैनो गोनां जागौं होनानै फोरमायो। दासान्दि लम्पत फोरोंगिरि लिलाधर पाठकखौ बरबरि पुलिसआ जेरा खालामगिसिनो द होनानै मिथिनो मोन्नाय जादौं।

( 1 बिलाड़निफ्राय )

## न' खामनानै 7 लाख रनि सम्पति ख'हा

जाथायनि खौरं मोन्नाइ अर खोमोनग्रा बिफानि गरिआ फैनानै अर खामबाय थानायखौ खोमोरफैनो हानायाव चन्दि कलिकानि न'खरा गोबाडै ख'हा जानायनिफ्राय रेखा मोनो। बे जाथायाव कलितानि न'खरनि रावबो सोद्रोमाफोर जोखोम जायाखै। न'आव अर खामनाय जाथायाव चन्दि कलितानि फिसान्जलिनि मबाइल (आइ फन), नोगोद 70 रोजानिबो रं, जि-जोम, हा-हुनि फोरमान बिलाइ, गथ'फोरनि बिजाव बायदिफोरबो खामफायो होनानै चन्दि कलितानि न'खरनि सुतुडव फोरमायदौं।

## गुवाहाटीनि खानापारायाव जाब्रबथायजौं सानै लाइमोननि जिउ ख'हा, सासे जोखोम

थानाय हर गेजेरव खानापारायाव गनै स्करपिय' गरिजौं मोगा-मोगि सौरावनाय जाब्रबथायाव जाथायसालियावनो दिपीत आरो कनामिका नाजरीमोनहा जिउ गोमादौं। जिउ गोमानाय कनामिका नाजरी मुनि सिख्लाया गुवाहाटीयाव कचिं लागासिनो दडमोन, लोगोसेनो दिपीत डेआ बिबिनि फरायसामोन होनानै मिबथिनो मोन्नाय जादौं। हरव खानापारा फारसेनिफ्राय फेबाय थानाय समावनो बे गिखंथाव लामानि जाब्रबथाया सोमजिदौं। गुबुन गंसे स्करपिय' गरिआ सौरावनायनि उनावनो सामलायनो हायैआव दिपीत डे आरो कनामिकामोनहा फैनय स्करपिय' गरिआ फुटब्रजयाव गाखोलाडो। जाब्रबथायाव कनामिकानि सासे लोगो नेहा बसुमतारिआबो जोखोम जादौं। गिखंथाव जाब्रबथायाव दिपीतनि बिफाया माखासे सान सिगां बायनाय स्करपिय' गरिआ थेर-बेथेर जायो। जाब्रबथाया एसेबां गिखंथावनामोनदि, फुटब्रजनि गासै मोन 15 सिरिसिम गरिया गाखोलादौं। बेनि उनाव लामा सायाव बेलथायलादौं। स्करपिय'नि सिगांथिनि गरिआ आवुडै थेर-बेथेर जादौं। फारसेथिं, खौरं बिजौंनि सिगाडव दिपीतनि बिबै मख'नाय बायदिब्ला, बृहस्पतिबारखालि गिबियावनो बिफाजौं ऑखारलादौंमोन। मोनाबिलि समाव बिफानि गोजाम सुइप्ट गरिखौ लानानै सासे लोगोखौ लोगो हमनो दिपीतआ ऑखारलादौंमोन। बेबायदिनो हरनि 2:30 रिंगासोयाव दिपीतआ न'आव फेफिन्दौंमोन। दिपीतखौ न'सिम सासे सिख्लाया दोनफेदौंमोन होनानै फोरमायदौं। बेनि 30 मिनिटसो उनावनो गोदान स्करपिय' गरिखौ लानानै फिन डे ऑखारलादौंमोन। हर गेजेरव स्करपिय' गरिखौ लानानै ऑखारलानो नागिरनायाव रैखाथि मावफारियाफोर गले-गले बिखौ होबथादौंमोन। नाथाय डेआ रैखाथि मावफारियाफोरनि बाश्राखौ खोनासंयैआव गेटखौ खुलिना होनादौंमोन। फारसेथिं डे मोनहा थानाय एफार्मेन्टनि सासे रैखाथि मावफारिया खौरं बिजोडव बुंदौंदि, गले-गले होबथानायनि उनावबो ऑखारलादौंमोन। गेट खुलिना होनायनि थाखाय रैखाथि मावफारियाखौ 'थं इउ, आइ लभ इउ' होना बुंलादौंमोन। ऑखारलानायनि 1 घन्टा उनावनो खानापारायाव बे दुबुनांथाव जाथाया सोमजियो।

## कचुगावनि माहारियारि राजा लामायाव जाब्रबथायजौं सासे आइजोनि जिउ ख'हा, सा 5 जोखोम

जाब्रबथायाव गथ'जौं लोगोसेनो सा 5 सुबुंफोर जोखोम जादौं। माहारियारि राजा लामाजौं कचुगाव लाम्रा हाथाय फारसे ना हमनो गंधाम साइकेलजौं थांबाय थानाय समावनो बे जाब्रबथाया सोमजियो। जायगानि नुनो मोन्नाय सुबुंफोरनिफ्राय मिबथिनो मोन्नाय बायदिब्ला, गुवाहाटी फारसे थांबाय थानाय गोखौं गोखैथिजौं ए एस 01 बिआर 9808 नम्बरनि गंसे हुन्डाइ चाफारी गरिआ उन थिंजायनिफ्राय बिसोर सुबुंफोरखौ सौख्लाय लाडो। बे समावनो लुदगी किस्कु (40)मुनि सासे आइजोआ जाथाय सालियावनो जिउ गोमायो आरो ताला मुर्मु (45), सुकाल मुर्मु (07), सतुर हेमस (37), साक्ला हमस (15) आरो सना मुनि हेमस (14) मोनहा जोखोम जायो। आथिखालाव जोखोम जानायफोर कक्राझार आर एन बि सिबिल देहा फाहामसालियाव फाहामथाय लागासिनो दड। फारसेथिं, जाब्रबथाय सोमजिहोनाय गरिखौ राइजो-राजाफोर होबथानानै कचुगाव पुलिसनो गथायना होयो।

## तामुलपुर फरायसालिमानो एनएएसिआ बि ग्रेड होदौं

बिथिफोरनि आन्जाद नायनायाव सिजिपिए 2.29 नम्बर मोन्नो हादौं। मख 'नो नांगोनदि, बे मान थाखोआ फेगौ 5 बोसोरिसिम सोलिबाय थागोन। गिबि खेव एनएएसि पियार टीमनि बिजिनयजौं तामुलपुर फरायसालिमाया बि ग्रेड मोननो हानायाव गोजोननायजौं बे फरायसालिमानि गोरायुं ७ जगेन बर'आ बि.टि.आरनि गाहाइ मावफुं सोद्रोमा प्रमद बर', तामुलपुर बिबाबनि एमएलए जलेन दैमारी, फरायसालिमा सामलाय आफाद, बाररा' फरायसा गौथुम, तामुलपुर नोगोर खुंथाय, फोरोंगिरिफोर, मावफारिया हान्जा, फरायसा-फरायसुलिफोर, जोथोनगिरिफोर, गामिनि सुबुंफोर, गुबुन-गुबुन दोलोन समाजारि आफादनि मोजां हास्थायग्रा बिथामोननिमि साबायखर बाउहरदौं।

## 3 नभेम्बरआव उदालगुरि जिल्ला बाथौ महासभानि माइनाव आफादनि 20 थि सावराय जथुम्मा खुंनो साखा-फारा

गोनांदि, जाग्रा आदार, देहा सिबिथाय, दै जगायनाय, गेवलां मेल, गेवलां जौसां, गाहाइ साइनासालि, आलासि जियसालि बायदि गासैबो राहाफोरखौ गाहाइ आफाद आरो लेडइ आफादफोर आलादा-आलादायै रुनुनानै साखा-फारा खालामनाया जाफुंसारदौं होनानै रायदाव आफादनि आपादगिरि तरुलता दैमारी आरो नेहाथारि फरमाइसुलि बसुमतारिआ मिथिहोदौं आरो बे हाबाफारिखौ जाफुंसार होनायाव राइजो-राजाफोरनि मदद-हेफाजाब मोनगोन होनानै मिजिथिनाय फोरमायदौं।

( 1 बिलाड़निफ्राय )

## आसाम आरो मणिपुरनि राइज्यो बेंगिरिया सेनापति जिल्लायाव दावबायहैनानै सिआरपिएफ जवानफोरजौं दिवालि फालिदौं

इक 'नमिक डेभलपमेन्ट एस 'सिएसन (एमएनेड) आ खुंदौंमोन। राइज्यो बेंगिरिया जर 'खायै बेंगुरा गथ'फोर आरो आइजोफोरजौं दिन्थिफुंजानाय मोनसे समायना दिन्थिफुंनयाखौबो नुनो मोनदौं। राइज्यो बेंगिरि आचार्यआ सेनापतिनि लेडइ कमिसनारनि मावख 'आव सिएसअफोरनि थानेफोरजौंबो सावरायलायो। मख 'नो गोनांदि जिल्ला गाहाइ मावख 'आव सौहैनारनि उनाव, राइज्यो बेंगिरिखौ डिस्सि सेनापति, माम 'नी दलेआ गोसो गोथारै बरायो।

## मातृ-पितृ बन्दनानि मुडाव फोरोंगिरिफोरबो खेबसेयैनो 5 साननि बन्द मोनगोनः मन्थि रनज पेगु

लादौंमोन। 2022 बोसोरनिफ्राय जागायजेन्नाय मातृ-पितृ बन्दनानि थाखाय राइज्योआरि मावफारिफोरनो जर 'खा सुटि होनाय जायो। खौरं बिजौंनि गेजेरजौं मातृ-पितृ बन्दनानि सोमोन्दै दिनें सोलौंथाइ मन्थि डः रनज पेगुआ बुडैदि, मातृ-पितृ बन्दनानि मुडाव फोरोंगिरिफोरबो सान 5 नि बन्द मोनगोन। मानोना शनिबारखालि फोरोंगिरिफोरनि थाखाय मोनसे जर 'खा सुटिनि रहा लादौं सोलौंथाइ बिफाना। आसाम सरकारनि मावफारियाफोर फेगौ 6 नभेम्बर बुधवार आरो 8 नभेम्बर शुक्रवार साननैनि मातृ-पितृ बन्दना बिथांखिनि थाखाय सुटि मोन्नो हागोन। गुबुन फारसैथिं, 7 नभेम्बरखालि छत पुजानि थाखाय सरकारि सुटि मोन्नो हागोन। नाथाय 9 नभेम्बर एबा दाननि नैथि शनिबारखालि माखासे सरकारि मावखुलिफोर बन्द थायोब्लाबो सरसनस्नायै फरायसालि-फरायसालिमाफोर बन्द थाया। नाथाय आसाम सरकारनि सोलौंथाइ बिफाना आगस्ट दानव मोनसे फोसावथायनि गेजेरजौं फेगौ 9 नभेम्बरखालि फोरोंगिरिफोरनि थाखाय मोनसे जर 'खा सुटि होदौं। बेनिथायनो राइज्यो सरकारनि गुबुन मावफारियाफोरनि बायदिनो फोरोंगिरिफोरबो खेबसेयावनो 5 साननि सुटि मोन्नो हागोन। बिमा-बिफाजौं लोगोसे मावफारियाफोर सं बराहनो हानायनि खावु होनो थाखाय बे जर 'खा सुटिनि रहा लानाय जादौं होनानै सोलौंथाइ मन्थिआ फोरमायो।

## सिदली बियाबनि उक्रा बिसायख थियाव माइन्सि रिटि भटारफोरखौ लानानै इउपिपिएल-बिपिएफनि गेजेराव गोखौं फोसावदिदौं

बादायलायनायाव ऑखारनाय जर 'खायै मोन्ने रजखाथि दोलो इउपिपिएल आरो बिपिएफनि माइन्सि रिटि दैदेनगिरिफोरनि गेजेराव फोसावजायै बादायलायनाया जागायजेन्नाइ। दिनें सिदलीनि काशिकत्रयाय इउपिपिएलनि माइन्सि रिटि सेलनि दैदेनगिरि-मावफारियाफोरखौ लानानै माइन्सि रिटि सेलनि मिरु गाहाइ नेहाथारि नजुरुल इस्लामआ खौरंगिरि मेल खुंनानै जागायजेन्नायावनो हाग्रामा महिलारनि दैदेनयाय बिपिएफ दोलोनि हँथायै बुंदौंदि, बिपिएफ दोलोआ जाबाय मोनसे मुसलमान बरेखा रजखाथि दोलो, मानोना 2012 माइथायनि हारियारि दाडबाजि सोमजिनया जाथायखौ मुसलमानफोर बावगायखौ। एबिएमसुनि रंसारि आफादगिरि लाफिकुल इस्लाम आहमेदनि बुथारनाय जाथायनि सिडव लाइमोन बिपिएफनि सोद्रोमाया थोंजोडै लोब्बा दडमोन होनानै दाबि दैखानायजौं लोगोसे बिसायख 'थियखौ लानानै आरो लाइमोन बिपिएफनि दैदेनगिरि स्वाहजाहान आलिनि हँथायै बिबुंथि लाखिदौं। दिनेनि खौरंगिरि मेलयाव इउपिपिएल दोलोनि माइन्सि रिटि सेलनि माखासे दैदेनगिरि मइदुल इस्लाम, महिदुल इस्लाम आहमेद, गुलजार हुसेन, साइफुर हक, सहराब खान, आवु साइद आनसारि, आबुल कालान आजाद, मतिउर रहमानमोनजौं लोगोसे माखासे दैदेनगिरिफोरबो बाहागो लाफेदौं।

## बड'चिने आर्टिस्ट एस 'सिएसनआ 6 थि बड' फिलिम एवार्ड चरेमनिखौ फेगौ 25 नभेम्बरआव गुवाहाटीआव खुगोन

हाबाफारिनि गेजेरजौं खुंफुनो साखा-फारा खालामनाय बाश्राखौ बरमायाव खौरं बिबुंसारनि गेजेरजौं फोरमायदौं बड'चिने आर्टिस्ट एस 'सिएसननि गाहाइ नेहाथारि गुरु पबित्र बर'आ। 25 नभेम्बरनि सिगां 24 नभेम्बर खालार खालि गोदान हाबाफारि बादिदौं भइस अफ बड'स सिगिं कमपिटिसन 'खौ लानाय बाश्राखौबो फोरमायो। 25 नभेम्बरनि 4 रिंगानिफ्राय एवार्ड चरेमनिया जागायगोन आरो देग्लाइ बोसोराव बड'चिने आर्टिस्ट एस 'सिएसन 2023-24 ई माइथाय बोसोरनैनि सावथुन, सर्त फिलिम कमपिटिसन, सा-सान्जा राइज्योनि गुबुन गुबुन हारिसाफोरनि रावनि सर्त फिलिम कमपिटिसन, बड' मिउजिक भिडिअ कमपिटिसन बायदि बायदि हाबाफारियाव लानाय बाश्राखौ खौरं बिबुंसारनि गेजेरजौं फोरमायदौं। लोगोसे बिथाड देग्लाइ बोसोरनि बे एवार्ड चरेमनियाव गाहाइ आलासि महरै बलिउडनि गागि फाउखुंनि पध्निनी कलापुरिया बाहागो लाफेगोनखौ फोरमायो। बे हाबाफारियाव रंखाथि मदद होनायनि थाखाय बि टि आरनि गाहाइ मावफुं सोद्रोमा प्रमद बर'खौ साबायखर बाउयो। लोगोसे बिथाड बे हाबाफारियाव सा 600 सो नायगिरिफोर बाहागो लानो हागोन बाश्राखौ फोरमायो।

## लावदांगुरि, आनान्द बाजार, गवर्धनायाव श्यामा फुजा फोर्बोआ खुंजाबाय

बेखेवनाय, मन्दिनि दर्जाखौ बेखेवनाय, मावखुलिनि गेट बेखेवनाय बायदि हाबाफारिखौ खुंनयाजौं लोगोसे दोरोडरि खाथिजौं आरति दिन्थिनयाजौं बिमा कालिनि मुसुखाखौ गायसन्नाय जायो। हरव सामलाय आफाद, गाव सिबियारि आरो राइजो-राजाफोरनि गेजेराव बाश्रा सावरायलायनाय हाबाफारि खुंनया जायो। फारसेथिं दिनें गेदेर हारिमुवारि हाबाफारि खुंनया जादौं। आनान्द बाजारवबो 7 सान नाडै हाबाफारिजौं श्यामा फुजा फोर्बोआ जागायजेनबाय। बृहस्पतिबारखालि मोनाबिलियाव बिमा कालिनि मुसुखा गायसन्नाय आरो दिपावली खुंनयाजौं 7 सान नाडै श्यामा फुजाया जागायजेनो। सालबारनि साखाथियाव थानाय साउदरभिता, गवर्धनायावबो गेदेर हाबाफारिजौं श्यामा फुजा खुंनया जादौं। फारसेथिं, सालबारि महकुमाजौं लोगोसे गेदेर भवानिपुर बियाबनि गागि, मोनफ्रोमबो नख 'रव दिनेबो सोरानि फोर्बो एबा दिपावली खुंनानै रंजानायखौ नुनो मोन्नाय जादौं।

## मैदेर फुजाजौं काजिरिडा माहारियारि हाग्रामायाव मैदेर साफारियै जागायजेनबाय

हाग्रा ओन्सोलावबो गावआरि मैदेर साफारिखौ बेखेवनाय जायो। गिबि सानाव कड्या हाग्रा ओन्सोलाव मा 10 मादेराव बेलजियाम, इउ के हादतनि दावबायारि आरो हादतनि गुबुन गुबुन जायगानि दावबायारिफोरजौं लोगोसे गासै सा 30 निबो बांसिन दावबायारिफोर मैदेर साफारि खालामो। गुबुन फारसैथिं, बागरि हाग्रा ओन्सोलाव गावआरि मैदेर आरो कहर हाग्रा ओन्सोलनि गावआरि मैदेरआव गासै सा 150 निबो बांसिन दावबायारिफोर मैदेर साफारि खालामो। मैदेरआव गाखोनानै हाग्रानि जिब-जुनातफोरखौ खाथिनिफ्राय नुनानै गोजोननाय फोरमायो हादत-गुबुन हादतनि दावबायारिफोर। माहारियारि हाग्रा बिबानगिरिआ फोरमायनाय बादिब्ला अक्टबर दानाव गासै सा 28,980 दावबायारिफोर माहारियारि हाग्रामायाव जिप साफारि खालामदौंमोन। बेनिनो गासै सा 28,402 हादतआरि दावबायारि आरो सा 579 गुबुन हादतआरि दावबायारिफोर डड'। लोगोसे गासै 65,37,515 रनि मासुल बोखानो हादौं। मख 'नो गोनांदि, गिबि सानाव प्रदुमन्य, बीर, फुलन, जय, कर्न, पाहि, पुनिमा, आइरन, लक्ष्मीमाइ आरो बिष्णु मुनि मैदेरजौं दावबायारिफोरखौ साफारि खालामहोयो।

## सेरफांगुरिनि लडा दैसायाव जुथाय ना हमनाय हाबाफारि

गुबुन गुबुन ओन्सोलनिफ्राय बर', कच-राजबंशि, बेंगलि, मुसलमान, आदिबासि बायदि गुबुन-गुबुन हारि-माहारिनि राइजो-राजाफोर जयै लडा दैसायाव जुथायै ना हमनायनि गेजेरजौं बिदा-फंबाय, खौसेथि आरो गोजोनै जुथायै मोनसे समाज दाफुनायखौ दिन्थियो। गुबुन बोसोरफोरनि रुजुनायाव देरलाय नाया बाडइ जादौं होनानै ना हमग्रा राइजो-राजाफोर फोरमायदौं।



# गाहाम देहानि राहा

## गुसु बोथोराव खाजु बादामजों देहानि माखासे जेंनाखौ फोसाबनो हायो

गुसु बोथोर जागायनाय लोगो लोगो इड फुडस जानायनि बोसोन होनाय जायो। अदेबानि बेनि टसिरआ गरम जायो, जाय गुसु बोथोरग गोबां खामानियाव होयो। अदेबानि खाजुआ टेस्टि जानायजों लोगोसे बेजों जीनि देहाया माखासे रोखोमनि मुलाम्फा मोनो हागौ। खाजुखौ भिटाडिन, प्रटिन, फाइबर, पसपरास, सेलेनियाम, केलसियाम, आइरन, पलेट, मेगनेसियाम आरु एन्टि अक्सिडेननि मोजां फुंखा महेर गनायना लानाय जायो। खाजु जानायजों माखासे रोखोमनि मुलाम्फा मोनो हागौ बेफोर मुलाम्फानि सोमोन्दैयै गाहायाव सावरायनाय जाबाय-



जायो, जाय ब्लाड सुगार लेभेलखौ खम खालामनायाव मदत खालामो आरु बेजों देहाया हेल्दीयै थायो।  
2. बेगेफोर गोखों जानायनि थाखाय जों गुसु बोथोराव सानफ्रोमबो खाजु जानांगौ। मानोना बेयो केलसियाम आरु मेगनेसियामनि गाहाइ फुंखा, जायनि गेजेरजों लोरबां बेगोफोरखौबो गोखों खालामनो हागोन।  
3. जाय सुबुंफोरा लिरथाइ बांनयजों जिंगायाव गोग्लैनांदों आरु उदैनि मेजेमखौ खम खालामनो लुबैदोंब्ला बिसोर सानफ्रोमबो खाजु जानांगौ। मानोना बेयाव गोबां बिबांनि फाइबर मोनाय जायो, जाय

लिरथाइखौ खम खालामनायाव बांनयजाथाव महेर खामानि मावो।  
4. आथिखालाव लाइमोन बैसोनि सुबुंफोरनाव गोबां खानाय गनायनि जेंनाफोरा सोमजियो। बेयाव खानाया लोरबां जानाय, खानायनि जॉनाया खारनाय आरु खानाय मोनाया दंफायो। जुदि नोंथाड खाजु जानायखौ जागायोब्ला माखासे सानफोरनि गेजेरावको खानाया गुरे, गुबुं, गोखों आरु गोजों जागोन।  
(नट: बेयाव होनाय रहाफोरखौ आजावना लानायनि सिगां जर'खागिरिनि बोसोन लाग्रोनाया गाहाम।) □

# सारा आलि खानआ सशेल मिडियाआव माखासे सावगारि शेयार खालामदों

बलिउडनि फावखुंग्रि सारा आलि खानआ जेब्लाबो सावथुनफोरनिफ्राय बांसिन गावनि लाभ लाइभखौ लानाने खौरांआव थायो। बेनि अनगायैबो बिथांआ इशोरनि सायाव जोबोद फोथानाय दड। जेब्लाबो बिथांखौ माखासे मन्दिरफोराव दर्शन खालामहैनायबो नुनो मोन्दों। अदेबानि बावैसो सिगां फावखुंग्रिया के दारनाथ मन्दिरआव दर्शन खालामनो थांदोंमोन आरु बेनिफ्राय बिथांनि माखासे सावगारिफोरबो जोबोद भाइरल जागासिनो दड। बबेखानि साराआ जाय सावगारिखौ सशेल मिडियाआव शेयार खालामदों बेवहाय बिथांजों लोगोसे सासे सुबुंखौबो नुनो मोन्दों आरु बे सुबुंखौ साराणि निडभाई वयफ्रैन्ड होन्ना मिबधि




होगासिनो दं। बिथांनि मुंआ अर्जुन प्रताप बाजवा। मुजिथावना बाथ्राया बेनोदि, जाय सानआव साराआ के दारनाथनि माखासे सावगारिफोर आरु भिडिअ शेयार खालामदों बे सानावनो अर्जुनआबो गावनि धोरामनि फारसे मोन्दोंथिनाय सावगारिफोरखौ शेयार

खालामदों। मोनसे सावगारियाव सारा आरु अर्जुनखौ भिम शिलानि बोर लानाय नुनो मोन्दों। बेनिखानयो साप्रोमबो बेखौ मिबथिनो उसु-खुथु जादों जे सारा आलि खानआ सोरजों डेट खालामगासिनो दड आरु बै सुबुंआ सोर? अदेबानि अर्जुन प्रताप बाजवाआ राजखाथिगिरि फतेह जंग सिंह बाजवानि

फिसाज्ला, जाय आथिखालाव पान्जाबआव बिजेपिनि लेडइ आफादगिरि। बिथांनि गासिबो नख'रनि सोद्रोमाफोरानो

## एमि जेक्शननि अन्साइगिरिफोरनि थाखाय गोजोन्थाव खौरां



बलिउडनि सावथुनफोरव नुजाथिखानाय फावखुंग्रि आरु गुबुन हादतनि मडेल एमि जेक्शनआ थानाय सानफोरव गावनि जुलिखौ लानाने सोरांआव थाबाय थादोंमोन। खमैबो 2 बोसोर सिम सानैजों डेट खालामनायनि उनाव फावखुंग्रिया गावनि बयफ्रैन्ड एड वेस्टविकजों जुलि जादोंमोन। बिथांनि जुलिया 2024 माइथायनि 25 आगस्टखालि इटालियाव जादोंमोन। एमिआ बावैसो सिगां इन्सटग्रामआव गावनि आरु एडनि मोनसे सावगारि शेयार खालामदों आरु बेवहाय बिथांखौ गुफुर गाबनि स्लिट गाउनआव नुनो मोन्दोंमोन। बे समयना गुफुर गाउनआव बिथांनि बेनि बम्पखौबो रोखायै नुनो मोन्दों। एमि जेक्शननि अन्साइगिरिफोरनि थाखाय गोजोन्थाव खौरां, फावखुंग्रि बिथाड फिन खनसेबाव बिमा जाववसिमोन। मख'नो गोर्नादि, एमिआ सिगांनो सासे 5 बोसोर गथ'नि बिमा, जायनि मुडनो जादों एन्डियास। बिथांआ 2019 माइथायाव जोनोम जादोंमोन। बे गथ'आ एमि आरु बिथांनि एक्स बयफ्रैन्ड हटेल बिजनेस जर्ज पानायियटैनि गथ'। एमिआ जाय सावगारिखौ शेयार खालामदों बेयाव बिथांनि फिसाइखौ केजुएल लुकआव नुनो मोन्दों। बिथांआ गोसोम ट्राउजार आरु गुफुर टि-शाट गानायमोन आरु बिथांआ एमिनि बेबि बाम्पखौ दानाने अन्नाय लुफावनाय नुनो मोन्दों। अन्साइगिरिफोरबे सावगारिखौ नुनाने ज'रानो गाहाम हामब्लाइथि हरागसिनो दड। एमि आरु एडआ 2022 माइथायाव मोनसे गेमनि गेजेरजों लोगो मोनलायदोंमोन। एमिनि फिसाइ एड वेस्टविकआ हल्लिउड इन्डस्ट्रिनि मिउजिसियान आरु फावखुंग्रि। एमिनि जुलिया खोला इटालियाव थानाय 16 जौथाइनि मेहेलनि महर होजानाय केस्टेल डि रक्का सिलेन्ट हटेलआव जादोंमोन। गुफुर आरु बेगुनि गाबनि बिबारफोरजों बे जायगाखौ साजायदोंमोन। गुफुर बिबारफोरजों लोगोसे हौवा गोदान आरु हिन्जाव गोदानआबो गुफुर आउटफिटआव जोबोद समायफलेदोंमोन। एमिनि वार्कफ्रन्टनि बाथ्रा सावरायोब्ला, एमिआ रजिनिकान्त, सिंह इज ब्लिं आरु 2.0 बायदि सावथुनफोरव गावनि रंग'थि एक्टि खालामनायनि थाखाय सिनायथि जायो। □

## रहित शेट्टिनि सिंधाम एगेन सावथुनआ रिलीज जाबाय



रहित शेट्टिनि सिंधाम एगेन सावथुनआ 1 नभेम्बरखालि सिनेमा हलफोरव रिलीज जायो। एक्सनजों आवुं बे सावथुनआ गावनि काप इडनिभासनि केरेक्टर्सनि थाखाय एभेन्जर्स स्टाइलनि क्रसअभार होन्नाई मानिजादों। बेयो मोनसे माल्टिस्टार सावथुन, जेराव गोबां स्टारफोरनि केमिय दड। अन्सायगिरिफोरा सावथुननि थाखाय जोबोद एक्साइटेड जानाने दडमोन आरु फास्ट डे फास्टस्वखौ नायनो थादों। बेजों

लोगोसेनो कार्तिक आर्यननि भुल भुलैया 3 आबो रिलीज जाबाय। गिबि साननि स्वखौ नायनो सौहैनाय नायगिरिफोरा सिंधाम एगेन सावथुननि सायाव रिपेक्सन होगोसिनो दड। गावसिनि ससेल मिडिया हेन्डेलआव सासे इजजारआ टुइट खालामनानै लिरदोंदि, बे सावथुनआ मोनसे सिनेमानि मास्टरपीस जानो थांगासिनो दड। सिंधाम एगेन। सासेबाव इजजारआ लिरदोंदि, दिने लिलेन्डआ सिंधाम एगेनदों लोगोसे फैंफिनबाय। बेयो हाइ

स्टेक एक्सन आरु नन स्टप एक्साइटेमेन्टनि सम। सिंधाम एगेनआ फिन खेबसेबाव गिदिर फदायाव दोहौ सोमजिहोनो थाखाय फैंफिनबाय। बिथोनगिरि रहित शेट्टिआ सिगांनि बादिनो जादु सोमजिहोदों जेरै बिथाडा सिम्बानि थाखाय खालामदोंमोन थिक बेबादिनो। अजय देबगाननि ऑखारजेनाया बाख्नायथावना। कालनायक अर्जुन कापुरनि बाथ्रा सावरायनाया थिक जानाय नड, नाथाय बिथाड गासैबो एक्सन सिक्वेन्सआव जोबोद मोजां नुयो। सावथुननि जागायजेन्नायाव 20 मिनटआनो थिकमोन, नाथाय अर्जुन कापुरनि एन्टिजों लोगोसे सावथुननि गासैबो डायनो मिक्सआनो सोलायदों। □

## बक्स अफिसआव अमिताभ बच्चननि मोनब्रैवो सावथुना हिट जादोंमोन



सशेल मिडियाआव अजय देबगाननि सिंधाम एगेन आरु कार्तिक आर्यननि 'भुल भुलैया 3' नि गेजेराव बक्स अफिसआव बादायलायनाय जानाया खौरांआव थादों। मोनैबो सावथुना दिवालीयाव रिलिज जानायनि थाखाय बिथोनगिरिफोरनि गेजेराव बादायलायनाय जादों। अदेबानि बे बादायलायनाय बादाया बक्स अफिसनि थाखाय सरासन्ना बाथ्रा। नाथाय मोनसे समाव जेब्ला मोनैबो सावथुना सानसेयावनो एबा खाथि-खाथि मोनैबो रिलिज जायोमोन अब्ला बक्स अफिस एबा प्रडाक्सन हाउसनि गेजेराव बे बायदिनो सावराय

माइथायनि स्निथि खेब बयनिखुइ बांसिन रं आरजिनो हानाय सावथुनमोन। कमेडि फावखुंग्रि देभन बर्मानि गेजेरजों दिहुनजानाय 'बेशर्म' सावथुनाव अमिताभ बच्चन, शर्मिला टैगर आरु आमजाद खानआ फाव खालामदोंमोन। बे सावथुना 'कसमे वादे' नि सप्ताह खनसे उनाव रिलिज जादोंमोन आरु बक्स अफिसआव मोजाडे नो जाफुंसारदोंमोन। अमिताभ बच्चन, शशि कापुर, सन्जिव कापुर, हेमा मालिनि, राखि, पुनम दिल्लों, सचिन आरु वाहिदा रहमान बायदि फावगिरिफोर फाव खालामनाय सावथुन त्रिशुलखौ यश चपड़ाआ डाइरेक्ट खालामदोंमोन। सावथुननि सल'खौ सलिम-जामेदानी लिरदोंमोन। बे शर्म सावथुननि सप्ताहसे उनाव 'त्रिशुल' सावथुना रिलिज जादोंमोन आरु बेयो मोनसे गिदिर ब्लकबास्टरबोमोन। बे सावथुना 1978 माइथायनि बयनिखुइबो बांसिन रं आरजिनो हानाय नैथि सावथुनमोन। □

लायनाय जायोमोन। बे बायदिनो मोनसे गिदिर बिदिन्थिखौ 1978 माइथायाव नुनो मोन्दोंमोन, लान्थियै जेब्ला ब्रै सप्ताहआवनो मोनसे मोनै नड नाथाय अमिताभ बच्चननि मोन 4 गिदिर सावथुनफोर बक्स अफिसआव रिलिज जादोंमोन। बे गासिबो सावथुनफोर बक्स अफिसआव गिदिर जाफुंसारनो हादोंमोन। बेयो बै समावमोन जेब्ला अमिताभ बच्चननि केरियारआ पिकआव दडमोन। रमेश बहलनि गेजेरजों दिहुनजानाय सावथुन 'कसमे वादे' आव अमिताभ बच्चन डबल रल दिन्थिदोंमोन। बे सावथुनाव रणधिर कापुर, राखि, नितु सिंह आरु आमजाद खानआबो दंमोन। बे सावथुना बक्स अफिसआव हिट जादों। 'कसमे वादे' सावथुना 1978

## 'भुल भुलैया 3' हरर कमेडि सावथुना सिनेमा हलफोरव रिलिज जाबाय

नै बोसोर गोबाव समसिम नेनाने थानायनि उनाव गामामायैनो डायरेक्टर आनिस बाञ्जिमि 'भुल भुलैया 3' सावथुनखौ दिनेनिफ्राय सिनेमा हलफोरव रिलिज खालामनाय जाबाय। कार्तिक आर्यन आरु तृति डिमरि बायदि माखासे फावगिरिफोरजों समायफलेनाय बे हरर कमेडि सावथुनखौ लानाने नायगिरिफोरनि गेजेराव जोबोद एक्साइटेड जालायनाने दडमोन। बेनि गेजेरजों द सशेल मिडिया प्लेटफर्म एक्स हेन्डेलआव 'भुल भुलैया 3' सावथुनखौ लानाने अन्साइगिरिफोरनि रिपेक्सनआ सोरांआव फेदों। जागायजेन्नाय बे सावथुनखौ सुबुंफोरनिफ्राय पजिटिभ रिस्पेन्स मोनाय नुनो मोन्दों आरु बिथांमोनहा सावथुनखौ पास खालामबाय। हरर कमेडि जानर हिसाबै 'भुल भुलैया3' सावथुनखौ थारैनो नायगिरिफोर मोजां मोनगोन एबा अन्साइगोन होन्नामै मिजिं थिनाय बाथ्राखौ थारैनो दा रोखा जानाय



नुनो मोन्दों। सावथुनखौ मरिनि स्वआव नायनायनि उनाव सासे इजजारआ एक्स हेन्डेलआव टुइट खालामना लिरोदि, 'ववाल फास्ट हाफ भुल भुलैया 3 पैसा वासुल। नैथि इजजारआ लिरोदि, कार्तिक आर्यन आरु अरुण कुशवाहन ज'राखौ जोबोद मोजां नुदों। तृति डिमरिनि अनगायै गोदान कास्टफोरबो मोजां। अदेबानि माखासे सुबुंफोरनिफ्राय बे सावथुनखौ लानाने सरासन्ना रिस्पेन्स मोनाय

नुनो मोन्दों। सासे इजजारआ लिरोदि, 'भुल भुलैया3' नि रिलिज जानाया 1 घन्टा जाबाय। सावथुना जोबोद मोजां लेबेलनि। आसा खालामो मोजाडेनो मोजां जाफुंलांगोन। बे बायदिनो गोबां सुबुंफोर भुल भुलैया 3 सावथुनखौ लानाने एक्सआव रिपेक्सन होगोसिनो दड। अडियन्स फुल जानायनि जाहोनाव बेखौ बुंनो हायोदि, 'भुल भुलैया 3' आ मोनसे एन्टारटैनि सावथुन आरु बक्स

अफिसआव बे सावथुना मोजां रं आरजिनो हागौ। 'भुल भुलैया 3' सावथुना कार्तिक आर्यननि एक्टि केरियारनि थाखाय टारनि पडन्ट जाना नुजाथिनो हागौ। अपेनि डे कालेक्सननि बिथिआव बेनि रिक्डंआ 14 कौटि रं जादों। अदेबानि, बे हरर कमेडि सावथुनखौ बे ट्रेकआवनो सोलिबाय थानाय नुनो मोन्दों। □

## देंखोगिरि दिलजित दसान्झनि सायाव जेंना गोनां कमेन्ट खालामनायनि अदनान सामिआ रिपेक्ट होदों

पान्जाबि रोजाबगिरि दिलजित दसान्झआ आथिखालाव भारतआव गावनि दिल-लुमिनाटि टुरखौ लानाने खौरांआव थादों। 26 आव गावनि दिल-लुमिनाटि टुरखौ लानाने खौरांआव थादों। 26 अक्टबरनिफ्राय दिल्लीआव दिलजितआ गावनि कन्साटंखौ जागायबाय आरु इभेन्टआव बिथांनि अन्साइगिरिफोर थुवर जादों। सशेल मिडियाआव रोजाबगिरिया गावनि पावारफुल कन्साटंनि थाखाय लाइमलाइटआव थादों, फासेथिं सासे आमेरिकानि ब्रिटिस सुबुंआ बिथांनि सायाव बोरोन बोखावनाय कमेन्ट होदों। मुंदांखा इन्टरनेट पारसनेलिटि आरु बिजनेसमेन एन्ड्यु टेटआ बावैसो सिगां दिलजित दसान्झनि सायाव मोनसे कमेन्ट



खालामो आरु बिथांनि बे कमेन्टआ रोजाबगिरिनि अन्साइगिरिफोरखौ खुद्री होदों। सशेल मिडियाआव एन्ड्युखौ गाञ्चि रोखोमै टूल खालामगासिनो दड। सुबुंफोर एन्ड्युखौ गाञ्चि रोखोमै सावरायगासिनो दड आरु दा बे लिस्टआव मुंदांखा रोजाबगिरि अदनान सामिनि मुंआबो दंफायो। अदनान सामिआ मोनसे सशेल मिडिया पस्टनि गेजेरजों एन्ड्युखौ सोंखारिदों

बिथाड इन्सटग्राम हेन्डेलआव दिलजित आरु एन्ड्युनि मोनसे कलेज सावगारि शेयार खालामदों। मोनसे सावगारियाव दिलजितनि आखायाव जेकेट लानाय आरु फारसेथिं एन्ड्युखौ नुनो मोन्दों। कलाजनि गोजौआव एन्ड्युनि मोनसे स्टेमेन्ट लिनाय दड; जायखौ बिथांआ रोजाबगिरिनि थाखाय बुंदोंमोन। बिथाड बुंदोंमोनदि, बादायलायनो हागोन, बेवहाय नोरसिनि

मोनामनाय फेदों जानांगौ। अदनान सामिआ एन्ड्युखौ बिथांनि थानाय समफोरनि बाथ्राखौ गोसोखां होनाने सोंखारिदों। रोजाबगिरिया लिरदोंदि, बेयाव अन्नाय मोन्दोंमोन आरु बयनिखुइ सावसिन बाथ्राया बेनोदि नायगिरिफोरनि मादाव रावबो जिनाहारि खालामग्रा। एबा चाइल्ड स्मार्गिल खालामग्रा नडामोन, जेरै नोंथांखो दाय जावसिनाय जादों आरु जायनि थाखाय नोंथांखौ ग्रेप्टारबो खालामनाय जादों। बेनिफ्राय थारैनो मोनामनाया नोंथांनिफ्राय फेयो। बेनिखानयो सिरि था। बावैसो सिगां दिलजित दसान्झआ दिएली कन्साटंनिफ्राय मोनसे भिडिअआ सशेल मिडियाआव जोबोद भाइरल जादोंमोन। □



## आसामनि रियान परागआ 14 कौटि रांआव लाखि जादों

गुवाहाटी, 1 नभेम्बर: राजस्तान रयेलसआ आइपिएल 2025 नि मेगा निलामनि सिगां आसामनि रियान परागजों लोगोसे सा 6 गेलेगिरिफोरखौ हान्जायाव लाखिफिनबाय। राजस्तान रयेलसआ मेगा निलामनि सिगांनो हान्जायाव लाखिफिनाय गेलेगिरिफोरनि फारिलाइखौ फोसावनानै होबाय। बिथामोननि हान्जायाव थाफिनायाव राजस्तानआ जानो गोनां आइपिएलआव मोजाडै दिन्थिफुनो हागोनखौ मिजिथि लादों। परागनि अनगायै गुबुन गेलेगिरिफोर पारियै सन्नु सेम्पसन, यशस्वी जयसवाल, ध्रुव जुरेल, सिमरन हेडमायार आरु सन्दिप शर्माआबो राजस्तानजों लाफिनजादों। थामहिनबा बिसोरखौ लाखिनायजों राजस्ताननि हान्जाआ 120 कौटि रानिफ्राय 79 कौटि रां खरसा खालामसिगोन। रियानआ



2024 नि आइपिएलआव गोखोडै दिन्थिफुनोमोन। जायनि थाखाय राजस्तानआ बे खेबआव बिथांखौ 14 कौटि रांआव लाखिदों। जेराव खेब 6 आइपिएल सिजनआव बिथाड खेब 70 मेच गेलेबाय। 2022 आब 3.8 कौटि रांआव बायजानाय बेसेनआ बे खेबआव गोबां बांनानै फेदों। मानोना सोलिफु समाव राजस्ताननि हान्जाया बिथांखौ अलराउन्डर महैर गनायो। रियानआ सोलिफु बोसोरनि जागायजेनायाव गुफुर बलनि हान्जायाव आगान होजेनबाय। थामहिनबा बिथाड

भारतनि मिजिथिजानाय क्रिकेटारफोरनि गेजेराव जायगा मोनबाय। सैयद मुस्ताक आली टुफी, देभदर टुफी आरु रन्जि टुफीनि अनगायै नख 'रारि साकि'तआव बिथाडा हान्जाफोरनि मिजिथिखौ जाफुहोदों। 22 बोसोर बैसोन अल राउन्डर परागआ दासिमआव खेब 9 टी-20 मेच आरु खेबसे वन्डेआव भारतनि जानानै गेलेबाय। जायनि गेजेराव बिथाड टी-20 आब 34 रान लाखिनायनि अनगायै वन्डेनि मेचआव 3 उइकेट आरु टी-20 आब 4 उइकेट लादों।

## मिडफिल्डर सलिमा तेतेआ एसियान सेम्पियन्स टुफीनि थाखाय जान्जि खाफ्राबाय

गोदान दिल्ली, 1 नभेम्बर: भारतीय आइजो हकी हान्जानि थाखाय केप्टेन सायख' जानाय सलिमा तेतेआ जानो गोनां आइजोफोरनि एसियान सेम्पियन्स टुफी 2024 नि थाखाय गावनि बिबानखौ सामलायनो जान्जि खाफ्राबाय। जेराव बे सेम्पियनसिपआ फेगौ 11-20 नभेम्बरनि गेजेराव बिहारनि राजगीर हकी स्टेडियमआव खुंजागोन। बे सेम्पियनसिपआव भारतआ नख 'रारि फोथारआव चीन, जापान, करिया, मालएसिया आरु थाइलेन्डनि हेंथायै सेलेन्ज लाखिगोन। बे खेवजेन्नाय मेचआव भारतआ मालएसियानि हेंथायै गेलेगोन। बेनि उनाव 12 नभेम्बरखालि करियाजों बादायगोन। बेनि उनाव 14 नभेम्बरआव थाइलेन्ड, 16 नभेम्बरआव चीन आरु 17 नभेम्बरखालि जापाननि हेंथायै फोथारआव ओंखारगोन। भारतनि हान्जाआ 2023 नि



फाइनालआव जापानखौ 4-0 स्करआव फेजेनानै बिमुं देरहादों। बेनि सिगां भारतआ 2016 आबबो बे सेम्पियनसिपनि बिमुं देरहानो हादों। सेले कसन

खालामग्रा हान्जानि सायाव मिडफिल्डर तेतेआ हान्जानि गेजेराव गुबुन गुबुन रोग्थि गोनां गेलेगिरिफोरखौ जुथायै खाबु होनायखौ बाखायदों। लोगोसे

हान्जानिफ्राय गोखोडै थियारि जानायजों रोग्थि गोनां गेलेगिरिफोरनि बाहागोआव गावसोरनि फोथारआव ओंखारसो जान्जि खाफ्रानायखौ फोरमायदों। बे समाव तेतेआ थानाय बोसोरनि बिमुंखौ रेखाथि होनायखौ गावसोरनि गिबि थांखि फोरमायो। लोगोसे थानाय बोसोरनि बादि गोखौ गोहो आरु गोसोजों गावसोरनि दिन्थिफुनो थियारि जानायखौ फोरमायो। भारतनि बे

हान्जायाव गल कपार महैर सबिता आरु बिसुदेबि कारिबामआ सायख'जादों। लेखइ केप्टेन नबनीतआ बे समाव गावसोरनि थियारि जानायखौ फोरमायनानै हान्जानि गेजेराव जानाय थियारिनि सायाव गावयारि फोथारयथि दडहोना फोरमायो। लोगोसे सेम्पियनसिपनि समाव नख 'रारि नायगिरिफोरनि गेजेराव गावसोरनि मोजाडै दिन्थिफुनो नाजागोननि सायाव फोथारयथि होयो।

## राफेल नाडालआ 4 बोसोर बैसोआवनो टेनिसनि फोथारआव आगान होजेन्दोंमोन

माद्रिद, 1 नभेम्बर: स्पेनआव जोनोमो मोन्या राफेल नाडालनि जिउ जारिमिनआ सोलिफु समाव गोबां लाइमोनफोरनि थुलुगानि फुखा जानानै दड। नाडालआ फ्रेन्स अपेनआव गावनि गोखौ आगानखौ लाखिबाय आरु खेब 14 बिमुं देरहानानै बयखौबो उनाव लाखिदों। टेनिसनिफ्राय आजिरा लानाय नाडालआ गावनि रोग्थिजों मुलुगनाडै अन्सायगिरिफोरनि गोसोखौबो जै खालामदों। मख'नो गोनांदि, बिथाड 4 बोसोर बैसोआवनो टेनिसनि रिक्टे हमजेन्दोंमोन। जेराव 12 बोसोर बैसोआवनो बिथाडा ओन्सोलारि टुनांमेन्टआव बाहागो लानानै देरहानायजों गावखौ सिनायथिजेन्दों। टेनिसनि फोथारआव ग्रेन्डस्लेमनि मुलुगनि मोनब्रै टुनांमेन्टफोर फारियै अस्ट्रेलियान, इउएस, उइम्बल्डन आरु फ्रेन्स अपेनआव बिथाडा गावनि गोखौ आगानखौ लाखिदों। जायनि फारिआव बिथाडा



अस्ट्रेलियान अपेनजों जागायनानै इउएस अपेनसिमआव मोजाडै दिन्थिफुनदों। फ्रेन्स अपेननि जारिमिनआव नाडालआ हासिडे नो खेब 14 बिमुं देरहादों। जेराव बिथाड सानै गोखौ बादायारि नभाक जकभिच आरु रजार फेडेररनि सिगांआव जायगा मोनो। बिसोर सानैआ फारियै खेब 4 यै बेनि बिमुं देरहाबाय। नाथाय नाडालआ 2010 निफ्राय 14 सिमआव लाश्रियै खेब 5 फ्रेन्स अपेननि सिंगेल्सआव बिमुं देरहादों। मख'नो गोनांदि, बिथाडा मोनसे ग्रेन्डस्लेमनि बिमुंखौ खेब 11 नि बांसिन देरहानाय मुलुगनि सासेल' गेलेगिरि। फ्रेन्स अपेननि

जारिमिनआव गेलेनाय खेब 116 मेचफोरनि गेजेराव बिथाड खेब 112 मेचआव देरहादों। गासैबो गेलेगिरिफोरनि थाखाय अलिम्पिकआव देरहानाया मोनसे सिगां जायो। जेराव बे फोथारवबो नाडालआ खेबनै सनानि मेडेल देरहादों। गावनि केरियारआव बिथाडा गोखौ बादायारि फेडेरर आरु जकभिचखौबो गोबां खेब फेजेन्दों। बिथाडा सिंगेल्स इभेन्टआव फेडेररनि हेंथायै खेब 40 मेचआव खेब 24 आब देरहादों आरु जकभिचनि हेंथायै खेब 61 मेचफोरव खेब 29 आबनो देरहादों। टेनिसनि मुलुगआव 2008 आब नाडालनि उइम्बल्डननि

फाइनालाव फेडेररजों बादायनाया बयखौबो गोसोआव लाखिहोदों। जेराव बे ग्रेन्डस्लेमनि फाइनालाव बिथाड 2006 आरु 2007 आब जेन्नादोंमोन। नाथाय 2008 नि फाइनालाव बिसोर सानैनि मेचआ खेब 5 सेटसिम सौहैनायाव 5 घन्टासिम सोलिदों। जायनि जोबथा समाव नाडालआ देरहादोंमोन। गेलेमु मुलुगआव बैसो जानायसिम गावनि केरियारखौ समाथायै लाखिलानाया गेलेगिरिफोरनि थाखाय गोलै नख। 2023 नि सिगां बिथाडा गावनि केरियारआव खेब 92 एटिपि बिमुं देरहादों। नाथाय जोखोमनि उनाव नाडालआ बे बोसोरनि उनिफ्राय आजिरासिमआव बिमुं देरहानो हायाखै। सोलिफु समाव नाडालआ आजिरा लादोंब्लाबो गोबां लाइमोन स्टाफोरनि थाखाय थुलुगा जानानै दड। माखासे जोखोमजों मोगा-मोगि जाखानायनि उनाव बिथाडा सोलिफु समाव जिगयनाय थासारिआव दड।

## रंदाजित इउनाइटेडनि हान्जाआ रिन्टिनि हान्जाखौ 3-0 गलआव फेजेन्दों

शिल, 1 नभेम्बर: रंदाजित इउनाइटेड एफसिआ पल 'नि एसएसए स्टेडियमआव गेलेनाय मेचआव रिन्टि एफसिखौ 3-0 गलआव फेजेनानै असि ब्लु शिल प्रिमियार लीगआव गिबियै देरहानाय थिसदों। मेचनि समाव मोननैबो हान्जानिफ्राय गल सोलायनो हायाखै। जेराव देरहानाय हान्जाया मेचनि जोबनाय फासैसो फारियै गल सोदों। हान्जानि जानानै पासबरलां कलिंकआ 78 आरु 90+3 मिनिटआव गल सोदों। जेराव बिथाड गिबियै गल सोनायनि उनाव हान्जानि जानानै मानभाकुपार आवपिआवआ 88 मिनिटआव गल सोदों। एसपिएलनि जारिमिनआव रंदाजितखौ फेजेनो थाखाय मेचनि समाव रिन्टिनि हान्जाआ गोब्राब सेलेन्ज होदोंब्लाबो जोबनायथि गावसोरनि डिफेन्सखौ सामलायनायाव फेलें जादों। रंदाजितआ 2019 आब बे हान्जानि हेंथायै खेबबा देरहानाय उनाव बे खेबआव हान्जाखौ फेजेनफिनायाव फेलें जादों। मोननैबो हान्जाया गावसोरनि जागायजेनाय लाइनआपआव गेलेगिरिफोरखौ सोलाय-सोल' खालामदोंमोन। जाउनाव मोननैबो हान्जाआ गिबि हाफनि समाव सांग्राडै गेलेदों। पासबरलांआ गिबियै गल सोनायनि



उनाव मनभाकुपारनि नैथि गल सोनाया हान्जानि गोहोखौ बांहोदों आरु बिसोरनि गेजेराव गावयारि फोथारनाया बांदों। जायनि फिथाइ महैर मेचनि जोबनाय बुब्लिआव पासबरलांआ गावनि नैथि गल सोदों। बे खेबआव नंथिम्माइ एससिआ नंग्रिम हिल्स एससिनि हेंथायै सेलेन्जआव ओंखारगोन। मख'नो गोनांदि, रंदाजित इउनाइटेडनि हान्जाआ बे मेचआव देरहादोंब्लाबो पइन्टनि फारिलाइआव रिन्टिनि उनावसो जायगा मोन्दों।

## भारतीय क्रिकेट हान्जानि अस्ट्रेलियासिम दावबायनांगौनि सम फारिलाइआ सोराडाव फैबाय



गोदान दिल्ली, 1 नभेम्बर: रहित शर्मानि केप्टेनआव भारतनि क्रिकेट हान्जाआ निउजिलेन्डनि हेंथायै टेस्ट सिरिज गेलेखानायनि उनाव अस्ट्रेलियासिम दावबायनायनि थाखाय जान्जि खाफ्राबाय। जेराव दावबायनाय सिरिजआव भारतआ अस्ट्रेलियानि हेंथायै खेब 5 मेचनि टेस्ट सिरिजआव सेलेन्ज होगोन। भारतआ बे सिरिजनि गिबि मेचखौ पर्टनि फोथारआव फेगौ 22 नभेम्बरखालि गेलेगोन। अस्ट्रेलियासिम सौहैनायनि उनाव 15-17

नभेम्बरनि गेजेराव पर्टनि वाक्का फोथारआव भारतआ मोनसे इन्ट्रु स्क्वाड मेच गेलेनो गोनांमोन। जायनि हें थायाव ऋतुराज गायकवाडनि के प्तेनआव अस्ट्रेलियासिम सौहैनाय भारतीय ए हान्जाआ ओंखारगोन। नाथाय हान्जानि बे थिरांथाखौ सोलायबाय। थामहिनबा बे इन्ट्रु स्क्वाड मेचखौ बन्द खालामनो थिरांथा लाबाय। बेनि सोलायै भारतआ गिबि टेस्ट मेचखौ लानानै गावसोरनि थियारिनि सायाव नोजोर लाखिगोन। भारतनि

## उत्तराखण्डआ 38थि नेसनेल गेम्सखौ बान्जायनो साखा-फारा



गोदान दिल्ली, 1 नभेम्बर: इन्डियान अलिम्पिक एस'सिएसनआ 38 थि नेसनेल गेम्सनि बान्जायनोखौ लानानै रोखा खालामबाय। एस'सिएसनआ फोसावनाय बादिक्का, बे गेम्सआ फेगौ बोसोरनि 28 जानुवारिनिफ्राय 14 फेब्रुवारिनि गेजेराव खुंजागोन। नाथाय दासिमावबो बेखौ खुंफुनायनि फारिलाइआ आइएएनि जेनेरेल एसेमब्लिनिफ्राय गनायथि मोनथ'याखै अब्लाबो सोलिफु दाननि गेजेरावनो मोनगोनखौ

मिजिथिदों। उत्तराखण्डआ गिबि खेब मुंदांखा बे नेसनेल स्पर्टस इभेन्टखौ बान्जायगोन। बेनि सायाव आइएएनि आफादगिरि पिटि उषाआ मावख'यारि फोसावलाइआव उत्तराखण्डआव बे गेम्सखौ बान्जायनो मोनगोनखौ लानानै गोजोन्नाय फोरमायो। लोगोसे बेनि गेजेरजों राइज्योनि गेजेराव गेलेमुनि फोथारआव गोदान जावरिखानाय फौबावगोनखौ मिजिथियो। बे समाव उषाआ नेसनेल गेम्सखौ जर'खा गेलेगिरिफोरनि इभेन्ट महैर

बेयाव हादरनि बादायारिफोरनि गोबां बाहागो जाफेगोनखौ मिजिथिदों। मख'नो गोनांदि, नेसनेल गेम्सआ भारतयारि स्पर्टस केलेन्डरनि फारिआव मोनसे जर'खा इभेन्ट जानानै दड। मानोना बेयाव हादरनि गेलेगिरिफोरा गावसोरनि प्लेटफर्मखौ बांहोनो खाबु मोनो। जायनि गेजेरजों बिथामोनहा हादरनिफ्राय हारिमायारि थाखोनि गेलेमु जेरै अलिम्पिक आरु एसियान गेम्ससिम आवगायनो खाबु मोनो। नेसनेल गेम्सखौ बान्जायनायनि अनगायै बेजों लोगोसे नेसनेल उइन्टार गेम्सखौबो बान्जायनो लुबैनायनि सायाव उत्तराखण्डआ गोसो जानायखौ फोरमायदों। 2025 नि नेसनेल गेम्सआव मोन 38 गुबुन गुबुन गेलेमुफोरा जायगा मोन्दों। जेराव 10 रोजानिबो बांसिन गेलेगिरिफोरा बाहागो लाफेगोन।

## रेसलार रमान रिन्सआ गोबां कौटि रानि बिगोमा



प्लरिडा, 1 नभेम्बर: रमान रिन्सआ डब्लिउडब्लिउडइनि मुलुगआव आगान होजेनानयनिफ्राय लाश्रियै जाफुंसारनायजों गावखौ सिनायथिनो हादों। बिथाड रेसलिनि मुलुगआव बेरेखा बादायारिफोरनि हेंथायै गोलैयैनो जेन्नायखौ गनायनानै लाया। सोलिफु समाव बिथांनि अन्सायगिरिफोरा मुलुगनाडै नो गोसारनानै दँसै। जेराव भारतआवबो गोबां कौटि अन्सायगिरिफोरा बिथांनि रिंआव ओंखारनायखौ नेनानै थायो। बेबादि थासारिआव गोबाडानो रमान रिन्सनि धोन आरु बिथांनि आजिनायखौ मिथिनो लुबैयो। रिपर्टनि बादिक्का, बिथाडा फ्राय 170 कौटिसो रानि बिगोमा। जेराव रमानआ डब्लिउडब्लिउड आरु सावथुननि गेजेरजों गोबाडै रां आर्जियो। रमान रिन्सआ रेसलिनि अनगायै माखासे हित सावथुनफोरनि थाखायबो मिथिजायो। जेराव फास्ट एन्ड फ्युरियास हुप्स एन्ड श्वावबो हाबा मावखांबाय। जेराव बिथांखौ सम सम गुबुन गुबुन प्रडाक्टनि एड खालामनोबो कम्पानोफोरा बायो। रमान रिन्सनाव मार्सिडिच, रेन्सरभारबादि बेसेन गोसानि गारिफोरो दड। सोलिफु समाव प्लरिडाआव बिथाडा गावनि समखौ हगारो। बे थानाय न'नि अनगायैबो रिन्सनाव ब्लूमिं गाडलआवबो गिदिदर बाथा दड। जेराव बिथाडा सिगां समाव थायोमोन। डब्लिउडब्लिउडइनि फोथारआव बिथांखौ रमान रिन्सजों मिथिनाय जायोब्लाबो बिथांनि नंगुबै मुडै लेटि जशोफ आनइसो। बिथांनि जिउ जारिमिनआ माखासे भुगिनांनय थासारिजों बुंफबनाय। मानोना बिथाडा थानाय 17 बोसोरनिफ्रायनो केन्सार बेरामजों भुगिनांनानै दड। जेराव 2018 आब लाइभ टिभिनि सौथिआवबो बिथाडा गावनाव लिउकेमिया (ब्लाड केन्सार) थानायखौ गनायनानै लादों।

गोदान दिल्ली, 1 नभेम्बर: आइपिएलनि 18 थि सिजनआ 2025 आब जागोन। नाथाय बेनि सिगांनो मेगा प्लेयार अक्सनआ जागोन। जायखौ लानानै गासैबो प्रेन्चाइजि हान्जाफोरा हान्जायाव लाखिफिनाय गेलेगिरिफोरनि मुं फारिलाइखौ फोसावजेनबाय। आइपिएल 2024 नि टुफी देरहानाय कलकाटा नाइट राइडर्सनि हान्जाआबो बे खेबआव श्रेयस अय्यरखौ हान्जानिफ्राय बिदाइ होबाय। केकेआरनि हान्जाआ गासै सा 6 गेलेगिरिफोरखौ रिटेन खालामबाय। जायनि फारिआव रिंकु सिं, भरुन चक्रवर्ती, सुनिल नारायन, आन्द्रे रुसेल, हर्षित राना आरु रमदीप सिंहनि मुडा दड। केकेआरआ गावसोरनि 120 कौटि रानिफ्राय गासै

## केकेआरनिफ्राय 12 कौटि रांआ खरसा जासिगोन

गोदान दिल्ली, 1 नभेम्बर: आइपिएलनि 18 थि सिजनआ 2025 आब जागोन। नाथाय बेनि सिगांनो मेगा प्लेयार अक्सनआ जागोन। जायखौ लानानै गासैबो प्रेन्चाइजि हान्जाफोरा हान्जायाव लाखिफिनाय गेलेगिरिफोरनि मुं फारिलाइखौ फोसावजेनबाय। आइपिएल 2024 नि टुफी देरहानाय कलकाटा नाइट राइडर्सनि हान्जाआबो बे खेबआव श्रेयस अय्यरखौ हान्जानिफ्राय बिदाइ होबाय। केकेआरनि हान्जाआ गासै सा 6 गेलेगिरिफोरखौ रिटेन खालामबाय। जायनि फारिआव रिंकु सिं, भरुन चक्रवर्ती, सुनिल नारायन, आन्द्रे रुसेल, हर्षित राना आरु रमदीप सिंहनि मुडा दड। केकेआरआ गावसोरनि 120 कौटि रानिफ्राय गासै



57 कौटि रां खरसा खालामबाय। नाथाय हान्जानि पार्टसनिफ्राय 12 कौटि रां आरुबाव थांबावसिगोन। कलकातानि हान्जाआ 2025 नि मेगा अक्सननि सिगां रिंकु सिंहखौ 13 कौटि राइव बाहागो खालामदों। जायनि फारिआव भरुन, सुनिल आरु आन्द्रेखौ हान्जाआ 12 कौटि राइव बायदों। बिथामोननि अनगायै हर्षित, रमदीपखौ आन्केपड गेलेगिरि महैर 4 कौटि राइव बायदों। केकेआरनि हान्जाआ दासिमाव साब्रै केपड आरु सानै आन्केपड गेलेगिरिफोरखौ लाखिबाय। थामहिनबा बे हान्जाआ मेगा अक्सननि समाव 51 कौटि रांजोंनो गेलेगिरिफोरखौ हान्जायाव गोरोबहोनांसिगोन।